

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Enplegua, Gizarte Kohesioa eta Berdintasuna Sustatzeko Saila**

Bizkaiko Foru Aldundiaren 4/2024 FORU DEKRETUA, urtarrilaren 18koa, garapenerako lankidetzaren eta gizarte-eraldaketarako hezkuntzaren dirulaguntzen oinarri arautzaileak eta deialdia onartzen dituena, 2024ko ekitaldian.

Euskal gizarteak, eta, bereziki, Bizkaiko gizarteak, beste herriekiko elkartasuna bideratzeko bide ugari eratu ditu azken hamarkadetan, eta hamaika ekimen bultzatu ditu giza eskubideez erabat gozatzea eragozten duten gizarte-egitura bidegabeez jabetzeko.

2001etik aurrera, eta gizarte-energia horri euskarria emate aldera, Bizkaiko Foru Aldundiak gizarte eraldaketarako lankidetzaren eta hezkuntzaren arloko dirulaguntzen urteroko deialdia bultzatu zuen. Harrezkero lau plan zuzentzaile egin dira, Bizkaian egutegiko eskubide osoak dituen eta diskriminaziorik ez duen gizarte orokor bat lortzeko lan egiten duten gizarte-erakundearen eskariari erantzuteko beharrezkoak diren administrazio-tresnak antolatzearen ondoretarako.

2021eko abenduan, Bizkaiko Foru Aldundiak Bizkaiko Lankidetzaren IV. Gida Plana onartu zuen, 2022-2030 aldirako aurreikusia. Proposamen hori lankidetzaren deszentralizatuan oinarritzen da; izan ere, Bizkaian dauden gaitasunen espezifikotasuna eta balioa kontuan hartuta, berezko zeregina izan nahi du elkarren mendeko agertoki global berri bat eraikitzeko, beti ere elkartasun-, koherentzia-, eraldaketa-, koordinazio-, erantzunkidetasun- eta kalitate-printzipioekin bat etorritik.

Horrela, gure erakundearen lankidetzaren deszentralizatuaren garrantzia eta balio erantsia berresten dugu, lurraldetik elkartasun-loturak ezartzeko, tokiko garapen-prozesuak laguntzeko, erakundeak edo gizarteak indartzeko eta gizarte-eraldaketarako hezkuntzan sakonduko duten partaidetza-espazioak sortzeko aukera ematen baitu.

Foru dekretu honek bete egiten ditu erregulazio onaren printzipioak, zeinak Administrazio Publikoaren Administrazio Prozedura Erkidearen 2015eko urriaren 1eko 39/2015 Legearen aurreikusten diren eta Bizkaiko Foru Aldundiaren 2021eko ekainaren 15eko 87/2021 Foru Dekretuaren 3. artikuluan jasotzen diren (dekretu horren bidez, Bizkaiko Foru Aldundian xedapen orokorrak egiteko prozedura arautzen da).

Era berean, beharrezko txostenak prestatu dira xedapen orokorrak egiteko prozedura arautzen duen Bizkaiko Foru Aldundiaren ekainaren 15eko 87/2021 Foru Dekretuaren jarraibideei jarraituz.

Dekretuaren prestaketan genero-ikuspegia txertatu da, honako hauek betez: 1/2023 Legegintzako Dekretua, martxoaren 16koa, Emakumeen eta Gizonen Berdintasunerako eta Indarkeria Matxistatik Gabeko Bizitzetarako Legearen Testu Bategina onartzen duena; 4/2018 Foru Araua, ekainaren 20koa, Emakumeen eta Gizonen Berdintasunerako; eta 141/2013 Foru Dekretua, Bizkaiko Foru Aldundiarena, azaroaren 19koa, generoaren arabera eraginaren aurretiazko ebaluazioa egiteko jarraibideak jasotzen dituena.

Illo horretan, foru dekretu honen izapidetzean generoaren arabera eraginaren aurretiazko ebaluazioari buruzko txostena gehitu da.

Horrez gainera, dekretua egitean otsailaren 27ko Bizkaiko Foru Aldundiaren 16/2018 Foru Dekretua kontuan hartu da; dekretu horren bidez, batetik, Bizkaiko Foru Aldundiaren martxoaren 23ko 34/2010 Foru Dekretuaren bidez onartutako Dirulaguntzen Erregelamendua aldatzen da; eta, bestetik, Bizkaiko Foru Aldundiaren dirulaguntzetarako prozeduretan klausula sozialak, ingurumenekoak eta beste politika publiko batzuei buruzkoak sartzeko gida onartzen da.

Xedapen hau onartzeko eskumenari dagokionez, Bizkaiko Foru Aldundiaren Gobernu Kontseilua da horretarako organo eskuduna, Bizkaiko Kondaira Lurraldeko Foru Era-



kundeen Hautapen, Antolaketa, Erregimen eta Funtzionamenduari buruzko otsailaren 13ko 3/1987 Foru Arauko 17.1.4 eta 17.2 artikuluen arabera.

Hori dela bide, Enplegua, Gizarte Kohesioa eta Berdintasuna Sustatzeko Saileko foru diputatuaren ekimenez, eta aurrez Bizkaiko Foru Aldundiak bileran aztertutik, honako hau.

XEDATZEN DUT:

Artikulu Bakarra. — Dirulaguntzen oinarri arautzaileak eta deialdia onartzea

Enplegua, Gizarte Kohesioa eta Berdintasuna Sustatzeko Sailak, garapenerako lan-kidetza, gizarte-eraldaketarako eta /edo sentsibilizazio hezkuntza eta ekintza humanitario arloan 2024ko ekitaldian emango dituen dirulaguntzen oinarri arautzaileak eta deialdia onesten dira. Hona hemen oinarriaren testua.

XEDAPEN GEHIGARRIA

Xedapen Gehigarri Bakarra. — Aurrekontuko diru-izendapenak

1. Foru dekretu honen arabera eman daitezkeen dirulaguntzak,
 - II. kapitulua:
 - 0906/232115/45100 2007/0038 partida 2007/0038.
2024ko ekitaldia: 2.880.000,00 euro.
 - 0906/232115/75100 2007/0038 partida 2007/0038.
2024ko ekitaldia: 120.000,00 euro.
 - III. kapitulua:
 - 0906/G/232115/45100/2024 partida 2007/0038.
2024ko ekitaldia: 630.000,00 euro.
 - IV. kapitulua:
 - 0906/G/232115/45100/2024 partida 2007/0038.
2024ko ekitaldia: 240.000,00 euro.
 - V. kapitulua:
 - 0906/G/232115/45100/2024 partida 2007/0038.
2024ko ekitaldia: 60.000,00 euro.
 - VI. kapitulua:
 - 0906/G/232115/45100/2024 partida 2007/0038.
2024ko ekitaldia: 800.000,00 euro.
 - VII. kapitulua:
 - 0906/G/232115/45100/2024 partida 2007/0038.
Urte anitzeko gastua: 3.000.000,00.
2024ko ekitaldia: 1.000.000,00 euro.
2025eko ekitaldia: 1.000.000,00 euro.
2026ko ekitaldia: 1.000.000,00 euro.
2. Foru dekretu honen bidez araututako proiektuak finantzatzeko izendatutako funtsak agortzen ez badira, funtsok erabili ahal izango dira dekretuaren beste edozein kapitulutuan proiektu gehiago onesteko, baremazio-batzorde teknikoak proposamena eginda.
3. Jasotako eskabideen arabera —gastu korrontea edo inbertsioa— IV. Kapituluaren —451.00 saila— eta VII. Kapituluaren —751.00 saila— artean egokiak diren kreditu transferentziak egitea baimendu da, eta horretarako ez da foru dekretu hau aldatu behar-ko sail bien guztizko zenbatekoak bertan ezarritako guztizko zenbatekoa gainditzen ez badu.



4. Abenduaren 3ko 5/2013 Foru Dekretu Arauemailearen bidez onetsitako Aurrekontuei buruzko abenduaren 29ko 5/2006 Foru Arau Orokorraren testu bateginaren 56.3 artikuluan xedatutakoaren arabera, foru dekretu honen babesean emandako dirulaguntzak baliozkoak izateko, kreditu egokia eta nahikoa egon behar da dagokion ekitaldian.

AZKEN XEDAPENAK

Azken Xedapenetako Lehenengoa. — Arau bidez gaikuntza

Ahalmena ematen zaio Enplegua, Gizarte Kohesioa eta Berdintasuna Sustatzeko Saileko foru diputatuari dekretu hau osatzeko edo garatzeko beharrezkotzat jotzen dituen xedapen guztiak emateko.

Azken Xedapenetako Bigarrena. — Indarrean jartzea eta indarraldia

Foru dekretu hau Bizkaiko Aldizkari Ofizialean argitaratzen den egunaren biharamunean jarriko da indarrean.

Bilbon, 2024ko urtarrilaren 18an.

Enplegua, Gizarte Kohesioa
eta Berdintasuna, Sustatzeko foru diputatua,
TERESA LAESPADA MARTÍNEZ

Ahaldun Nagusia,
ELIXABETE ETXANOBE LANDAJUELA

**2024EAN GARAPENERAKO PROIEKTUAK, GIZARTE-ERALDAKETARAKO,
SENTSIBILIZAZIO- ETA HEZKUNTZA-PROIEKTUAK EGITEKO DIRULAGUNTZEN
OINARRI ARAUTZAILEAK ETA DEIALDIA****I. KAPITULUA****XEDAPEN OROKORRAK****1. artikulua. — Xedea**

1. Foru dekretu honen bidez arautzen dira 2024ko ekitaldian gizarte-eraldaketarako, garapenerako lankidetzan genero-ikuspegia txertatzeko eta larrialdietarako eta ekintza humanitariorako laguntzak emateko lankidetzak, sentsibilizazio- eta hezkuntza-proiektuak egiteko deialdi publikoa eta oinarri arautzaileak.

2. Foru dekretu honen bidez honako dirulaguntza mota hauek arautzen dira:

- Garapenerako lankidetzak proiektuetarako dirulaguntzak irabazi-asmorik gabeko erakundeentzat (II. Kapituluak).
- Gizartea eraldatzeko sentsibilizazio eta/edo gizartea eraldatzeko hezkuntza proiektuetarako dirulaguntzak (III. Kapituluak).
- Herri txirotuetan edota Bizkaian ekintza zehatzak egiteko dirulaguntzak (IV. Kapituluak).
- Laguntza teknikoak jatorrian kontratatzea, haren helburua tokiko erakunde-entzuen antolamendua genero berdintasunaren alde aldatzen laguntzea izanik (V. Kapituluak).
- Ekintza humanitariorako eta larrialdietarako laguntzak (VI. Kapituluak).
- Urte anitzeko garapenerako lankidetzak eta gizarte-eraldaketarako hezkuntza-proiektuetarako laguntzak (VII. Kapituluak).

2. artikulua. — Erakunde onuradunak

1. Erakunde onuradun izan daitezke baldintza hauek betetzen dituztenak:

- Euskadiko Autonomia Erkidegoko kasuan kasuko erregistroan eratuta eta izena emanda egotea, gutxienez deialdi hau Bizkaiko Aldizkari Ofizialean argitaratu baino bi urte lehenagotik.
- Erakundearen estatutuetan jasota edukitzea jarduera nagusien artean garapenerako lankidetzaren arloan egiten duela.
- Irabaziak lortzeko asmorik ez edukitzea.
- Egoitza soziala edo ordezkaritza iraunkorra Bizkaiko Lurralde Historikoan edukitzea. Ordezkaritza iraunkorra edukitzeko, erakundearen egiturarik garrantzitsuenak Bizkaian egon behar dira, eta hori agirien bidez frogatu behar da.

Horretarako, GKEak Bizkaian kontratatutako pertsonen zerrenda aurkeztu behar da, Gizarte Segurantzako afiliazio zenbakiekin. Bizkaian erabiltzen duten/dituzten lokal(ar)en deskripzioa ere aurkeztuko da, eta bertan adieraziko da lokalek zenbat metro karratu eta zenbat ekipo informatiko eta komunikazio ekipo dituzten, jendaurreko ordutegia, eta, halakorik badago, egoitzak dituen beste erabilera batzuk, Garapenerako Gobernu Kanpoko Erakundearen (GGKE) ohiko lanarekin zerikusia duten erabilerekin gain.

Kasu horretan, ordezkaritza iraunkorrak eskabidea aurkezteko zuzeneko erantzukizuna bereganatzen du, eta proiektuen dokumentazioa Bizkaiko bulegoan edukitzeko konpromisoa hartzen du.

- Urtean Bizkaiko Lurralde Historikoan gizartea eraldatzeko sentsibilizazioko eta/edo hezkuntzako bi jarduera gutxienez egin izana. 2023. Ez dira sentsibilizazio-ekintzat hartuko komunikabideetan egiten diren esku-hartzeak, ezta GKEarekin lotura zuzena duten taldeei zuzendutako topaketak edo jarduerak ere.
- Ezin dute izaera bereko dirulaguntza edo laguntzak direla-eta hasi den itzulketa-edo zigor-prozeduraren batean sartuta egon.



2. Foru Administrazioak ematen dituen dirulaguntzen araubide juridiko orokorra arautzen duen 2005eko maiatzaren 31ko 5/2005 Foru Arauan xedatutakoa aplikatuta, arau horretako 12. artikuluko 2. eta 3. zenbakietan jasotako egoeretakoa batean dauden erakundeak ezin izango dira izan dirulaguntza hauen onuradun.

Horretarako, aipatutako aginduaren 2. eta 3. paragrafoetan adierazitako onuradun izateko debekurik ez dutela justifikatzeko, lekukotza judiziala, ziurtagiri telematikoa edo datu-transmisioak aurkeztu ahal izango dituzte erakundeek, dagokion araudian ezarritakoaren arabera, edo administrazio-ziurtagiria, kasuaren arabera. Dokumentu horren orde, erantzukizunpeko adierazpen bat egin ahal izango da, administrazio-agintaritzak edo notario publiko baten aurrean.

3. Erakundeen partzuergoek aurkezturiko proiektuek ere dirulaguntza jaso ahal izango dute. Partzuergoko erakunde guztiek bete eta egiaztatu behar dituzte aurreko idatz-zatietan adierazitako baldintzak.

Partzuergoko erakundeek proiektuaren erantzukizun bateratua bereganatzen dute; gainera, egoitza bakarra aukeratuko dute, espedientearen jakinarazpen administratiboetarako. Erakunde bakoitzak proiektuan duen parte hartzearen portzentajea, baita bakoitzaren eskubideak eta betebeharrak ere, kasuan kasuko eskabidea aurkeztean egin beharko duten hitzarmenean zehaztuko dira. Hitzarmen horretan erakunde bakoitzak bere parte hartze portzentajearen erantzukizun zuzena eta proiektu osoaren erantzukizun subsidiarioa bereganatzen dituela adierazi beharko da.

3. artikulua. — Dirulaguntzak emateko araubidea

Dirulaguntzak lehiaketa bidez emango dira, Enplegua, Gizarte Kohesioa eta Berdintasuna Sustatzeko foru diputatuaren foru agindu baten bidez. Hain zuzen ere, lehiaketan berariazko artikuluetan ezarritako irizpideen arabera puntuaziorik handiena lortzen duenei emango zaie dirulaguntza, eta beti ere aurrekontu-sailean ezarritako zenbatekoa muga izanik.

4. artikulua. — Eskabideak aurkeztea, agiriak eta epeak

1. Dirulaguntzak jaso nahi dituzten erakundeek egoitza elektronikoaren bidez aurkeztu beharko dute eskabidea, nahitaez, atal guztiak behar bezala beteta, Administrazio Publikoen Administrazio Prozedura Erkidearen urriaren 1eko 39/2015 Legearen 14.2 artikulua ezarritakoaren arabera. (<https://www.ebizkaia.eus/es/inicio>),

2. Eskatzen den dokumentazioaz gain, nahitaezko dokumentazio hau ere aurkeztu beharko da:

- a) Erakunde eskatzailearen sozietate-estatutuak.
- b) Erakunde eskatzailea behar den administrazio erregistroan inskribatuta dagoela frogatzen duen agiria.
- c) II., IV. (IV-A proiektua), V., VI. eta VII. kapituluaren kasuan, toki-erakundea dagoen administrazio-erregistroan inskribatuta dagoela egiaztatzen duen agiria.
- d) Dirulaguntzarako eskabidea aurkezteak ekarriko du baimena ematea Bizkaiko Foru Aldundiko Gizarte Kohesioa sustatzeko Zuzendaritza Nagusiari, Foru Ogasunean eta Gizarte Segurantzaren ziurtagiriak eskatzeko, betiere eskatzaileek berariaz kontrakoa adierazi ez badute. Baimen hori ematearen kontra egonez gero, erakundeak aurkeztu beharko ditu agiri horiek.
- e) Itzulketa edo zehapen prozeduraren batean ez egotearen adierazpena (halako dirulaguntzen edo laguntzen eremuan hasitako prozedura).
- f) Hartzekodunen zerrenda, kontua zabalik dagoen finantza erakundeak behar bezala beteta.
- g) Tokiko bazkidearekiko hitzarmen-proiektua, II., IV. (IV-A proiektua), VI. eta VII. kapituluaren kasurako.
- h) Dirulaguntza erakundearen partzuergoek eskatzen badute, foru dekretu honetako 2.3. artikuluan ezarritako hitzarmena.



- i) Maiatzaren 31ko 5/2005 Foru Arauaren 12. artikuluan jasotako debeku-egoere-tako batean ere ez dagoela eta 13. artikuluan jasotako betebeharrak betetzen dituela dioen adierazpena.
- j) 2023an, gutxienez, Bizkaiko Lurralde Historikoan gizartea eraldatzeko bi sentsi-bilizazio- eta/edo hezkuntza-jarduera egin izana egiaztatzen duen dokumenta-zioa.
- k) Sozietatearen egoitza edo ordezkaritza iraunkorra Bizkaiko Lurralde Historikoan dagoela egiaztatzea, 2. artikuluan ezarritako moduan. 1. d) Foru Dekretu honen 3. Aurretik aurkeztu diren eta dagoeneko Bizkaiko Foru Aldundiaren esku dauden dokumentuen kasuan, data zehatz bati ez dagozkion agirien ordeztu, zinpeko deklarazio bat aurkeztu ahal izango da, non adieraziko duten agiri horiek aldaketarik ez dutela izan.
- 4. Enplegu, Gizarte Kohesio eta Berdintasun Saileko Lankidetzaren eta Dibertsitatea Kudeatzeko Atalak, Bizkaiko Elkarrengarritasun-nodoaren bidez eta dagozkion elka-rrengarritasun-zerbitzuen bidez, aurkeztutako eskabideen administrazio-izapiderako eskatutako pertsona eta erakunde interesdunen datuak egiaztatuko eta kontsultatuko ditu, 39/2015 Legearen 13., 28. eta 53. artikuluetan aitortutako eskubideei kalterik egin gabe.

Arrazoi teknikoengatik ezin bada informazioa beste administrazio publiko batzuetatik zuzenean lortu, Lankidetzaren eta Aniztasuna Kudeatzeko Atalak, izapideak egiteko behar diren datuak edo dokumentuak eskatu ahal izango ditu.

Enplegu, Gizarte Kohesio eta Berdintasun Saileko Lankidetzaren eta Dibertsitatea kudeatzeko atalak beharrezko agiri eta informazio osagarri guztiak eskatu ahal izan-go dizkie erakunde eskatzaileei, aurkezturiko eskabidea behar bezala ebaluatzeko eta ebazteko.

5. Eskabideak aurkezteko epea 2024ko urtarrilaren 29etik 2024ko martxoaren 14ra arte izango da, 13:30ean.

5. artikulua. — *Eskaeretan atzemandako akatsak zuzentzea eta espedienteak artxi-batzea*

Dirulaguntzei buruzko eskabideak ez badira behar bezala betetzen, edota derrigo-rrezko dokumentazio guztia ez bada aurkeztzen, orduan erakunde eskatzaileari hamar egun balioduneko epea emango zaio, akatsak zuzen ditzan edota derrigorrezko agiriak aurkez ditzan. Horrela egingo ez balu, orduan eskaera horretan amore eman duela uler-tuko da eta, hori adierazteko, berariazko ebazpena emango da, urriaren 1eko 39/2015 Legearen 68. artikulua araber.

Erakunde eskatzaileetako batek eskabidea bertara joanez aurkeztzen badu, zuzendari-tzak errekerimendua egingo dio, aurkezpen elektronikoaren bidez zuzen dezan. Ondorio horietarako, eskabidearen aurkezpenaren data zuzenketa egin den data izango da.

6. artikulua. — *Izapidetzea, ebazpena eta helegiteak*

1. Dirulaguntzak Enplegua, Gizarte Kohesioa eta Berdintasuna Sustatzeko foru di-putatuaren foru aginduaren bidez eman eta ukatuko dira, horrexetarako berariaz eratzten den Batzorde Teknikoak proposatutakoaren arabera.

Batzorde Teknikoa, deialdi honetako kapitulu guztientzat, honako kideek osatuko dute:

- a) Batzordeburua: Gizarte Kohesioa sustatzeko Zuzendari Nagusia.
- b) Batzordekideak: Herritarren Eskubideen eta Lankidetzaren Talde Teknikoa.
- c) Idazkaria: Lankidetzaren eta Dibertsitatearen kudeaketaren ataleko burua.

Batzorde Teknikoak gaiaren arabera beharrezkotzat jotzen den aholkularitza eduki dezake.

2. Onuradun bati dirulaguntza ematen dion foru-agindua jakinarazitakoan, hark ha-mar eguneko epea izango du onartzeko; epe horretan ez badu beren-beregi ezer adie-razten, isilbidez onartutzat joko da.



3. Emateko ebazpenean baldintzak ezarriko dira, esate baterako proiektua burutze-ko epea, ekintzak egin direla frogatzeko modua eta horretarako dagoen epea, etab., bai eta elkarte onuradunek foru dekretu honetan ezarritakoaren arabera dituzten betebeharrak ere.

Kasu bakoitzerako baldintza bereziak ezarri ahal izango dira, baldin eta jardueren ezaugarri bereziak edo beste inguruabar batzuk kontuan hartuz komenigarria bada.

4. Frogatzen ez bada erakunde eskatzaileak Bizkaiko Foru Ogasunarekiko eta Gizarte Segurantzarekiko zorrak ordainduta dituela, eskaerari gaitz iritziko zaio. Era berean, eskaerari gaitziritziko zaio jarritako partidetakoa kreditu baliagarriak agortzen direnean.

5. Eskatutako laguntza ematen edo ukatzen duten ebazpenek administrazio bidea agortuko dute. Haien aurka elkarte interesdunek aukerako berraztertze-errekurtsoa aurkez diezaioke horiek eman dituen organoari, hilabeteko epean foru agindua jakinarazi eta biharamunetik kontatzen hasita, edo zuzen-zuzenean aurkaratu ahal izango dituzte Administrazioarekiko Auzibide Jurisdikzioan.

6. Eskabideak ebazteko epea sei hilekoa izango da gehienez, eskabidea jasotzeko epea amaitzen denetik zenbatzen hasita. Epe hori amaitu baino lehen berariazko ebazpenik eman ezean, eskabidea ezetsizat joko da.

7. Ematen diren dirulaguntzen publikitateari dagokionez, Bizkaiko Aldizkari Ofizialean argitaratuko da zer dirulaguntza ematen diren, eta hor adieraziko da, batetik, aurrekontuko zer programari eta kredituri egotzen zaizkion, eta, bestetik, adjudikaziodun gertatu diren entitateen eta bakoitzari emaniko diru-kopuruen zerrenda bat.

7. artikulua. — Dirulaguntzak ordaintzea

1. Dirulaguntzak zehazten den prozeduraren arabera onartu ondoren, eta prozeduraren ebazpenaren jakinarazpenetik gutxienez hamar egun igarota, emandako dirulaguntzaren % 100 ordaintzeko izapidea egingo da, eta horretarako ez zaio inolako bermerik eskatuko erakunde onuradunari.

2. Dirulaguntza ez da ordainduko, izapidetzen ari den bitartean zerga betebeharrak eta Gizarte Segurantzarekikoak eguneratuak ez baditu edo dirulaguntzak itzultzeko prozedura ebazpenaren bidez zorduna bada.

8. artikulua. — Hitzarmenak tokiko kidearekin

1. Dirulaguntza ematea ebatzi ondoren, erakunde adjudikaziodunak erantzukidetasuneko hitzarmena sinatuko du tokiko kidearekin proiektua garatzeko (III, IV-B eta V. Kapituluko proiektuetan izan ezik). Hitzarmen hori Bizkaiko Foru Aldundiko Gizarte Kohesioa sustatzeko Zuzendaritza Nagusia aurkeztu beharko da bi hilabeteko epean.

2. Hitzarmen horretan, gutxienez honako hau jaso beharko da:

- Alderdiek dirulaguntzak arautzen dituen foru dekretuaren edukiaren berri dutela egiaztatzea, eta horren ondoriozko betebeharrak betetzeari buruzko berariazko konpromisoa.
- Proiektuaren jardueren hasiera data, eta proiektuaren bukaerarako aurreikusitako data.
- Dirulaguntzaren bidez lorturiko ondasun higigarri eta higiezin guztiak proiektuaren helburu den biztanleriarenak izango direla dioen berariazko adierazpena; hori ezinezkoa denean, tokiko kidearen jabetzakoak izango dira, eta dirulaguntzen helburua den erabileraren jarraitasuna bermatu beharko da.
- Herri bakoitzean mekanismorik egokiena ezartzea, alderdi bien artean proiektuaren betearazteari dagokionez sor daitezkeen gatazka guztiak konpontzeko.

9. artikulua. — Erakunde onuradunen betebeharrak

Erakunde onuradunek 2005eko maiatzaren 31ko 5/2005 Foru Arauaren 13. artikuluan zerrendatzen diren eginbeharrak bete beharko dituzte, bereziki hauek:

- Bizkaiko Foru Aldundiaren dirulaguntzaren bidez martxan jarritako jardueretan, Aldundian indarrean dagoen logotipoa jarri beharko da publikitatean eta jardue-



ra horien zabalkunderako ekintzetan. Halaber, elkarteek jardueren berri eman beharko diote dirulaguntza eman duen sailari, jarduerak egin aurretik.

- b) Erakunde onuradunak konpromisoa hartzen du, bere ahalaren arabera, dekretu honetan oinarrituta antolatzen diren zerbitzu, ekitaldi edo jarduera guztietan oztopo arkitektonikoak eta komunikaziorako oztopoak ezabatzeke.
- c) Bizkaiko Gardentasunari buruzko 2016ko otsailaren 17ko 1/2016 Foru Arauan xedatutakoarekin bat, erakunde onuradunek nahitaez bete behar dituzte II. tituluan publikotasun aktiboari dagokionez adierazitako betebeharrak.

10. artikulua.— *Zuriketak*

Justifikazioa egiteko inprimakiak Enplegua, Gizarte Kohesioa eta Berdintasuna Sustatzeko foru diputatuaren foru aginduaren bidez onar litezke eta web-orriko prozeduren katalogoan eta Bizkaiko Foru Aldundiaren egoitza elektronikoan (<https://www.ebizkaia.eus/eu/hasiera>) eskuratu ahal izango dira.

11. artikulua.— *Ez betetzeak eta itzulketak*

1. Dirulaguntza jasotzen duten erakunde batek dekretu honetan, emate ebazpean edo gainerako arau aplikagarrietan ezarritako baldintzetako bat betetzen ez badu edo, halaber, baldin eta bidezkoketa egiteko betebeharra osorik edo zati baten ez badu betetzen, kasuan kasu egokia izango den itzultzeko prozedurari ekingo zaio eta erakunde onuradunek derrigorrez itzuli beharko dute, hala osorik nola zati baten, jaso dituzten zenbateko horiek eta baita horiei dagozkien berandutza korrituak ere, egokiak izango diren gainerako ekintzak gorabehera. Kopuru horiek sarrera publikotzat hartuko dira.

2. Hurrengo kasuetan, dirulaguntza gisa jasotako kopuruak eta 5/2005 Foru Arauaren 33. artikuluan ezarritako berandutze-interesak (dirulaguntza ordaindu zenetik itzulketaren bidez kotasuna erabakitzen den datara arte) itzuli beharko dira, osorik edo zati bat, kasu hauetan:

- a) Dirulaguntza lortzeko, bete beharreko baldintzak faltsutu edo laguntza jasotzea galaraziko luketen datuak ezkututzen direnean.
- b) Xedea, jarduera, proiektua edo dirulaguntza emateko funtsa den jokaera oso-osorik edo zati batean betetzen ez denean edo epez kanpo betetzen denean.

Diruz lagundutako ekintzak egin direla frogatzeko ezarritako epeak igaro eta ez bada egiaztatu eta justifikatu ekintza guztiak aurrez kusi bezala burutu direla, edo egin eta justifikatutako gastua dirulaguntza emateko foru aginduan jarduerarako onartutako kostua baino txikiagoa izan bada, baldintzak ez direla bete ulertuko da.

Hala ere, kasu bi horietan, dirulaguntzaren xedea eta helburua betetzat jotzen badira, dirulaguntzaren zenbatekoa birdoitu egingo da, benetan justifikatu edo burututako kostuen arabera. Horretarako, proportzionaltasun irizpidea erabiliko da, dirulaguntza emateko ezarritako irizpide eta mugei dagokienez.

Bestetik, martxoaren 23ko 34/2010 Foru Dekretuaren bidez onetsitako Dirulaguntzei buruzko Foru Arauaren Erregelamenduaren 71. artikuluan xedatutakoarekin bat etorruta, dirulaguntzaren onuradunak aurkeztutako justifikazioan adierazten badu dirulaguntza emateko kontuan hartu ziren baldintzetan aldaketak egon direla, eta aldaketa horiek ebazpena aldatzea eragin ahal zutela eta aldaketak onartzeko aurretik bete beharreko baimen administratiboko izapidea bete gabe egin direla, dirulaguntza eman duen organoak aurkeztutako justifikazioa onar dezake, betiere onartze horrek hirugarrenen eskubideei kalterik eragiten ez badie; hala ere, horrek ez du salbuetsiko onuraduna maiatzaren 31ko 5/2005 Foru Arauaren arabera izan ditzakeen zehapenetatik.

- c) Justifikazioaren betebeharra ez betetzea edo behar adinako justifikaziorik ez egitea.
- d) Indarrean dagoen arautegian jasotako zabalkunde-neurriak hartzeko betebeharra ez betetzea.



- e) Indarrean dagoen arautegian xedatutako egiaztapeneko eta finantza-kontrolako jardunak direla eta, aurre egin, aitzakiak jarri, eragozpenak ipini edo ezetza ematen denean, baita era kontabilitateko nahiz erregistroko betebeharrak edo agiriak gordetzekoak betetzen ez direnean, horrek guztiak ondoko hauek egiaztatzeko ezintasuna dakarrenean: jasotako funtsen erabilera egokia ote den, helburua lortu ote den, diruz lagundutako jardueren errealitatea eta erregulartasuna norainokoak diren, edota xede berbererako beste administrazio edo erakunde publiko nahiz pribaturen batek -naziokoa zein Europar Batasuneko edo nazioartekoa- emandako beste dirulaguntza, sarrera edo baliabiderik egon den.
 - f) Administrazioak erakunde laguntzaileei eta pertsona onuradunei ezarritako betebeharrak –onuradunok dirulaguntza ematen zaiela eta bereganatzen dituzten konpromisoak barne- betetzen ez direnean, baldin eta horrek helburuak lortzeko, jarduera egiteko, proiektua burutzeko edo dirulaguntza ematean aintzat hartu den jokabidea hartzeko erari eragin badio edo horrekin zerikusia badu.
 - g) Administrazioak erakunde laguntzaileei eta erakunde onuradunei ezarritako betebeharrak –baita onuradunok dirulaguntza ematen zaiela- eta bereganatzen dituzten konpromisoak ere, aurreko idatz-zatian aipatutakoez bestelakoak- betetzen ez direnean, baldin eta horrek guztiak ondoko hauek egiaztatzeko ezintasuna badakar: jasotako funtsen erabilera egokia ote den, helburua lortu ote den, diruz lagundutako jardueren errealitatea eta erregulartasuna norainokoak diren, edota xede berbererako beste administrazio edo erakunde publiko nahiz pribaturen batek –nazioartekoa zein Europar Batasuneko edo nazioartekoa- emandako beste dirulaguntza, laguntza, sarrera edo baliabiderik egon den.
 - h) Europar Batasunaren Funtzionamenduari buruzko Itunaren 107. artikulutik 109. era bitartean xedatutakoa dela bide, dirulaguntza itzuli beharra dakarren erabakia hartzea.
 - i) Dirulaguntzari buruzko arau erregulatzaileretan xedatutako gainerako balizkoetan.
3. Baldintzak betetzen ez direnean, emaniko dirulaguntzaren zati bat edo laguntza osoa itzultzeko prozedura legez aurrez ikusitakoa izango da. Prozedura, Gizarte Kohesioa sustatzeko Zuzendaritza Nagusiak hasi eta tramitatuko du eta Enplegua, Gizarte Kohesioa eta Berdintasuna Sustatzeko foru diputatuak ebatziko du, erakunde onuradunak esan beharrekoa entzun eta gero.

Aplikatu beharreko arauak ez betetzeagatik dirulaguntza itzultzeko prozedura abiarazten bada, hamabi hilabete pasatu baino lehen ebatzi beharko da.

12. artikulua. — Dirulaguntza erakunde onuradunaren ekimenez itzultzea

Dirulaguntzen Erregelamendua onetsi duen 2010eko martxoaren 23ko 34/2010 Foru Dekretuaren 76. artikuluan ezarritakoarekin bat etorriz (dekretu honek maiatzaren 31ko 5/2005 Foru Araua garatu du), erakunde onuradunak dirulaguntza Bizkaiko Foru Aldundiari itzultzea erabaki dezake hark ez eskatu arren.

Borondatezko itzulketa egiten denean, Administrazioak dagozkion berandutze-interesak kalkulatuko ditu, Dirulaguntzen foru arauaren 34. artikuluan ezarritakoaren arabera eta onuradunak itzulketa benetan egin duen unera arte.

Dirulaguntzaren itzulketa, onuradunak eskatuta, ordain-gutun egokiaren bidez egin beharko da. Gutun hori, eskatzen denean, dirulaguntza kudeatu duen zerbitzuaren dependenzietan izapidetuko da. Aipatutako ordain-gutunean itzuli beharreko zenbatekoa kontsignatuko da (printzipala eta interesak), modeloaren kodea eta sarreraren arrazoiak. Horrekin batera, itzuli beharreko dirulaguntza ere aipatu beharko da.

13. artikulua. — Ebazpena aldatzea

Dirulaguntza emateko ebazpena emandakoan, eta hura emateko aintzat hartutako baldintzak aldatuko balira, erakunde onuradunak ebazpena aldatzeko eska dezake, eta hura onartu ahalko da hirugarrenen eskubideak kaltetzen ez badira.



Esleitzeko jatorrizko baldintzak aldatutzat joko dira, eta beraz, ebazpena aldatzeko eskabidea baimendu ahalko da, diruz lagundutako jarduerak ezarritako epean egitea teknikoki ezinezkoa bada, edo aurreikusitako jarduerak egitea galarazten duen beste edozein inguruabar gertatzen bada.

Jarduera burutzeko epea amaitu baino hilabete lehenago aurkeztu behar da ebazpena aldatzeko eskabidea.

14. artikulua. — *Dirulaguntzen bateragarritasuna*

Emandako dirulaguntza honekin batera beste dirulaguntza, laguntza, sarrera edo baliabide batzuk jaso daitezke xede berarekin, baldin eta Estatuko, Europar Batasuneko zein nazioarteko edozein administrazio edo erakunde publiko nahiz pribatuk emandakoak badira. Baina kontuan hartu beharko da beste dirulaguntza horiek arautzen dituen araudiak horren inguruan ezartzen duena.

Hala ere, emandako dirulaguntzaren zenbatekoa, bera bakarrik edo beste dirulaguntza batzuekin batera, inola ere ezingo da izan diruz lagundutako jardueraren kostua baino handiagoa. Horri dagokionez, beste dirulaguntza, laguntza, sarrera edo baliabideren bat lortzen duen erakundeak horren berri eman beharko dio organo emaileari, frogatzeko moduan, eta itzulketa-gutunaren kopia aurkeztu beharko dute.

15. artikulua. — *Azpik kontratatzeari buruzko baldintzak*

Diruz lagundutako jarduerak azpik kontratatzeari buruzko baldintzak eta debekuak maiatzaren 31ko 5/2005 Foru Arauaren 27. artikuluan eta martxoaren 23ko 34/2010 Foru Dekretuaren 53. artikuluan xedatutakoak arautuko ditu.

16. artikulua. — *Arau-haustea eta zehapenak*

Maiatzaren 31ko 5/2005 Foru Arauan arau-hauste administratibo xedatutako ekin-tzen eta ez-egiteen arduradunak bertan araututakoaren arabera zehatuko dira.

17. artikulua. — *Datuen babesa*

Deialdi honetako dirulaguntzetarako eskabideetan adierazten diren informazioek eta datuek Datu Pertsonalak Babesteari eta eskubide digitalen bermeari buruzko 2018ko abenduaren 5eko 3/2018 Lege Organikoaren babesa dute.

18. artikulua. — *Araudi orokorra*

Foru dekretu honetan ezarritako dirulaguntzei dekretuan bertan xedatutakoa eta dirulaguntzak emateko Foru aginduetan ezartzen diren baldintzak aplikatuko zaizkie.

Dekretu honetan ezarri ez diren gaitan ondokoak aplikatuko dira: urriaren 1eko 39/2015 Legea; 169/2014 Foru Dekretua, abenduaren 16koa, Bizkaiko Lurralde Historikoaren Aurrekontu Erreglamendu Orokorra onesten duena; Dirulaguntzei buruzko azaroaren 17ko 38/2003 Lege Orokorra; maiatzaren 31ko 5/2005 Foru Araua; eta Dirulaguntzen Erreglamendua oneste duen martxoaren 23ko 34/2010 Foru Dekretua.

II. KAPITULUA

GARAPENERAKO LANKIDETZA PROIEKTUETARAKO DIRULAGUNTZAK IRABAZI-ASMORIK GABEKO ERAKUNDEENTZAT

19. artikulua. — *Xedea*

Kapitulu honen bidez, laguntzak eman nahi dira, 2024ko ekitaldian, giza garapenerako lankidetza-ekintzak egiteko, txirotutako herrietan, aldaketa ekonomikoak, sozialak, politikoak, kulturalak, ingurumenekoak, emakume eta gizonen arteko botere harremanetakoak bultzatzeko, irabazi-asmorik gabeko erakundeen bitartez. Erakundeon jarduera nagusietako bat garapenerako lankidetza izan behar da; adibidez, GGKEak, gizarte mugimenduak erlijio kongregazioak, fundazioak eta antzekoak izan daitezke.

**20. artikulua.—Erakunde onuradunak**

DDirulaguntza eskuratu ahal izateko, erakunde eskatzaileak foru dekretu honen 2. artikuluan aurreikusitako baldintzak bete beharko ditu.

21. artikulua.—Dirulaguntza jaso dezaketen proiektuak

Dirulaguntza jaso dezakete txirotutako herrialdeetako biztanle talde edo eskualde behartsuenen beharrianak asetzeko eta haien eskubideak betearazteko proiektuek. Txirotutako herrialdeak, berriz, Ekonomiako Lankidetzeta eta Garapenerako Erakundeko (ELGA) Garapenerako Laguntza Batzordearen (GLB) laguntza jasotzaileen zerrendan ageri direnak izango dira.

22. artikulua.—Proiektuen betekizunak

1. Dirulaguntza jasotzeko, proiektuek honako betekizun hauek bete behar dituzte:
 - a) Txirotutako herrietako bertako kide baten bidez egitea. Bertako kide hori nortasun juridikodun erakundea izan behar da, ez du izan behar irabazteko asmorik, eta behar bezala eratuta eta behar den erregistroan izena emanda egon behar da. Kide hori erakunde bakarra edo bi erakunde edo gehiagoren partzuergoa izan daiteke. Partzuergoa bada, bertako erakunde bakoitzak adierazitako betekizunak bete behar ditu.
 - b) Arraza, sexu, erlijio edo iritzien ondoriozko diskriminaziorik ez egotea.
 - c) Proiektuaren iraunaldi osoan genero ikuspegia sartzea.
 - d) Gutxienez %20 erakunde eskatzailearen, tokiko erakundearen, pertsona onuradunen edo finantzaketa publiko nahiz pribatuko beste iturri batzuen baliabideen bitartez finantzatzea.

GGKE eskatzaileak, parte hartzen duten tokiko erakunde eta antolakuntzek nahiz beste onuradun batzuek jarritako balioak ere onartuko dira, agiri bidez behar bezala frogatuta badaude.

Era berean, boluntarioek eginiko lana kofinantziazio gisa kontabilizatu ahal izango da, baldin eta ez bada kofinantziazioaren zenbateko osoaren erdia baino gehiago. Lan hori, bestetik, Bizkaiko Gizarte Esku-hartzearen Hitzarmenaren arabera ebaluatuko da laguntzaileak.

- e) Ekintza berrien finantzaketari egokitzea. Ez dira inoiz ere lehendik egindako ekintzak finantzatzeko erabiliko. Halaber, ez dira finantzatzeko 2024. urtearen aurreko urteetan egindako gastuak.
 - f) Deialdiaren urte naturalean hastera, edo erakunde eskatzaileari dirulaguntza ordaindu eta hurrengo bi hilabeteetan zehar.
 - g) Proposatutako ekintzak gehienez 24 hileko epean burutzeko moduan planifikatu behar dira.
2. Erakunde eskatzaileek bi proiektu, gehienez, aurkeztu ahal dituzte, baldin eta proiektu bietarako eskatzen den zenbateko osoa 120.000 eurotik gorakoa ez bada.
3. Erakunde eskatzaileek adierazi behar dute deialdira aurkeztu dituzten ekintzetarako beste laguntzarik eskatu edo beste erakunderen baten laguntzarik jaso duten; hala bada, haien zerrenda aurkeztu behar dute, eta laguntza bakoitza zenbatekoa eta zertarako izan den zehaztu.

23. artikulua.—Dirulaguntza jaso dezaketen gastuak

1. Honako hauek dira dirulaguntza jaso dezaketen gastuak: proiektu edo jardueraren izaerari eta garapen normalari erantzun dioten eta epearen barruan egindako beharrezko gastuak, betiere indarreko arautegiaren arabera behar bezala justifikatu badira.

2. Dirulaguntza jaso dezaketen gastuak kostu zuzenak izango dira, ondoren adierazitakoaren arabera:

- a) Lurren erosketa.
- b) Eraikinen eta azpiegituren erosketa, eraikuntza edo birgaikuntza.



- c) Ekipoak eta materialak erostea eta garraiatzea.
- d) Tokiko langileen kostuak.
- e) Langile atzerriratuen kostuak. Ezin dira emaniko dirulaguntzaren zenbatekoaren %10a eta hilean 3.000 euro gordin baino gehiago izan. Proiektuaren inguruabar bereziak direla-eta, ehunekoa handitu behar balitz, igoera horren premia zuritze-ko memoria laburra sartu beharko da.
- f) Proiektuari lotutako prestakuntza gastuak.
- g) Proiektuaren funtzionamenduari loturiko gastuak, proiektua herri hautatuan gara-tzeko behar diren material suntsikorra eta hornidurak eskuratzeari loturikoak.
- h) Mikrokredituak emateko txandakako funtsaz hornitzea. Kasu horretan, funtsa ku-deatzeko araudia erantsi behar da.
- i) Proiektuaren helburu diren biztanleen joan-etorrien gastuak.
- j) Banku-zerbitzuak edo antzekoak.
- k) Proiektuaren auditoretza-gastuak: 6.000 euro, gehienez.
- 3. Dirulaguntza jaso dezaketen gastuak zeharkako kostuak izango dira, ondoren adierazitakoaren arabera: GGKE eskatzailearen egoitzako administrazio, kudeaketa eta langileria gastuak, proiektuaren identifikazio, formulazio, jarraipen eta ebaluazioari dago-kienez. Gastu horiek ezin dira izan emaniko dirulaguntzaren zenbatekoaren % 10 baino handiagoak.

24. artikulua. — Aukeratzeko eta baloratzeko irizpideak

- 1. Gizarte Kohesioa sustatzeko Zuzendaritza Nagusiak onetsiko diren proiektuak aukeratuko ditu, eta dirulaguntzak emateko jarraian adieraziko diren irizpideak eta balo-razio-mugak hartuko ditu aintzat (100 puntu gehienez).
- 2. Kapitulu honetara aurkeztutako proiektuak lau irizpide multzoren arabera balora-tuko dira:
 - a) 1 taldea. Proiektuaren kalitatearekin loturiko irizpideak (25 puntu, gehienez).
 - 1.º Diagnostikoa (proiektuaren planifikazio eta identifikazio prozesuaren analisi argia eta zehatza, lotutako/eraginpeko biztanleen ezaugarriak eta konpondu nahi den arazoaren deskripzioa): 11 puntu, gehienez.
 - 2.º Koherentzia (helburua eta justifikazioaren lotura, eta jardueren azalpena): 3 puntu, gehienez.
 - 3.º Baliabideak (banakatutako partidak eta proformako fakturak): 3 puntu, gehie-nez.
 - 4.º Jarraipena (adierazleen formulazioa): 4 puntu, gehienez.
 - 5.º Iraunkortasuna (iraunkortasuneko bitartekoen zenbatespena, abala eta epe luzerako estrategia): 4 puntu, gehienez.
 - b) 2 taldea. 2022-2030eko IV. Plan Zuzentzaileko irizpideen arabera edukia (20 puntu, gehienez).
 - 1.º Lehentasun geografikoa (Afrikako kontinentea): 7 puntu, gehienez.
 - 2.º Proiektuaren eredua: 13 puntu, gehienez.
 - c) 3 taldea. 2022-2030eko IV. Plan Zuzentzaileko zeharkako lerroak (32 puntu, gehienez).
 - 1.º Eskubideen ikuspegia (urratutako eskubideen eta eskubideen, betebeharren eta laguntza-erakundeen titularren azterketa; eskubide- eta betebeharrak eta jarduerak biek): 9 puntu, gehienez.
 - 2.º Genero-berdintasuna eta aniztasun sexuala (bidezko harremanak, erakunde feministak eta sexu-aniztasuna sustatzea): 14 puntu, gehienez.
 - 3.º Ikuspegi ekologikoa (ingurumenaren eta bizitzaren iraunkortasunerako jar-dueren azterketa): 9 puntu, gehienez.



d) 4 taldea. Eragile-partehartzaileak (23 puntu, gehienez).

1.º Eragile eskatzailea (gizarte oinarria, boluntarioria, gaitasuna eta kaudimena, erakunde eskatzailearen eta toki-erakundearen arteko harremana, sareak eta aliantzak): 12 puntu, gehienez.

2.º Toki eragilea (lurraldean errotuta egotea, esperientzia, sareak eta aliantzak): 11 puntu gehienez.

3. Proiektuak barematzeko bakarrik hartuko da kontuan dirulaguntzarako eskabidean jasotako informazioa, bai eta erakunde eskatzaileak bere kabuz gehi ditzakeen honako eranskin hauetan jasotzen duena:

- Aurrekontuaren azalpena.
- Proformako fakturak.
- Bidegarritasun finantzarioaren plana.
- Jasagarritasunaren abala.
- Entitate publiko baten estrategia-agiria.
- Borondatezko langileen akreditazioa.
- Lan-sareetako parte hartze aktiboaren ziurtagiria.
- Aurkeztuz gero, ordena horretan aurkeztu behar dira eranskinok, izen horixekin. Ez da kontuan hartuko paragrafo honetan aipaturikoez bestelako informazio-iturririk.

25. artikulua. — Dirulaguntzaren zenbatekoa

1. Kapitulu honetako dirulaguntzen zenbatekoa 15.000 euro izango da gutxienez eta 120.000 euro gehienez.

2. Proiektu hautatuek eskaturiko laguntzaren %100 jasoko dute.

Hala ere, behin proiektuak antolaturik (puntuaziorik handienekotik txikienera), azken proiektua gehitu ahal izango da, ehuneko baino gutxiagoko laguntza bat emanez, baldin eta ez bada arriskuan jartzen jardueraren bideragarritasuna. Jardueraren bideragarritasuna arriskuan jartzen ari dela ulertuko da, baldin eta eskatutakoaren %75 baino gutxiago eman daitekeenean.

26. artikulua. — Jasotako dirulaguntzaren justifikazioa egiteko modalitatea

1. Dirulaguntza jaso duten erakundeek Gizarte Kohesioa sustatzeko Zuzendaritza Nagusiaren aurrean justifikatu beharko dute jasotako dirulaguntza, Dirulaguntzen Foru Erregelamenduari 59. artikuluan araututako modalitatearen arabera: justifikazio kontua erabili eta auditorearen txostena aurkeztu.

Kontu-auditorea Kontabilitate eta Kontu Auditoretzako Institutuaren menpeko Kontu Auditoreen Erregistro Ofizialean jardule gisa inskribatuta egon beharko da.

2. Dirulaguntzaren xedea atzerrian egingo den jardura edo proiektu bat bada, erregelamenduko artikulua honetan aurreikusten den araubidea berrikusketa egin behar den herrialdean jardunean dauden kontu-auditoreei dagokiela ulertuko da, betiere herrialde horretan araubide bat badago lanbide horretan aritzeko gaitzen duena.

Herrialde horretan ez badago kontu-auditore aritzeko gaitzen duen araubiderik, herrialde horretan finkatutako kontu-auditore batek egin ahalko du atal honetan zehazten den berrikusketa, betiere onuradunak izendatu eta dirulaguntza ematen duen organoak baimentzen badu.

3. Onuradunak kontu-auditorearen esku jarri behar ditu Dirulaguntzen foru arauaren 13.1.f) artikulua aplikatuz eskatu ahal zaizkion liburu, erregistro eta agiri guztiak. Onuradunaren betebeharra da, halaber, horiek guztiak zaintzea, Foru arau horretan aurrez ikusten diren egiaztapen- eta kontrol-jardueretarako.

4. Kontu-auditorearen lanaren gaineko berrikusketa eta kalitate-kontrola egin ahal-ko da, Foru Administrazioako kontrol-organismoak zehazten duen eran, eta kontu-auditoreak organo horren esku jarri behar ditu berak emandako txostenaren oinarri den informazio guztia.



5. Justifikazio-kontuaren berrikuspenak eragindako gastua diruz lagundu daitekeen gastutzat hartuko da 6.000 eurora arte (BEZik gabe).

27. artikulua. — Justifikazio-kontuaren ezaugarriak

1. Auditoreak berrikustekoa den justifikazio-kontua egoitza elektronikoan eta prozedura-katalogoan dagoen ereduaren arabera egin beharko da, eta honako agiri hauek izan beharko ditu:

- a) Dirulaguntza ematerakoan ezarritako baldintzak bete direla justifikatzen duen jarduera-txostena, egindako jarduerak eta lorturiko emaitzak adierazita.
- b) Memoria ekonomiko bat, honako informazio hau jaso behar duena:
 - 1.º Diruz lagundutako proiektuari egotzitako sarrera-gastuen egoera-orria.
 - 2.º Aurreko atalean aipatzen den gastuen egoera-orria osatzen duen partida bakoitzeko zerrenda bat egon behar da, sailkatuta, diruz lagundutako proiektuaren gastuak eta/edo inbertsioak biltzen dituen. Zerrendan bertan, hartze-koduna eta agiria identifikatu behar dira, bai eta hari dagokion zenbatekoa, jaulkipen-data eta, hala badagokio, zenbateko hori zein egunetan ordaindu zen ere.
 - 3.º Aurreko atalean aipatzen den sarreraren egoera-orria osatzen duten partida bakoitzeko, diruz lagundutako proiektua finantzatu duten beste dirulaguntza, laguntza, sarrera edo baliabide batzuen zerrenda xehakaturik, baita eskatzen den finantzaketa propioarena ere, bakoitzaren zenbatekoa eta jatorria adierazita.
 - 4.º Erakunde onuradunak eskatu beharreko hiru aurrekontuak, baldin eta diruz laguntzeko gastuaren zenbatekoak Sektore Publikoko Kontratuen Legean kontratu txikietarako ezarritako zenbatekoa gainditzen badu, hala ezartzen baita 2005eko maiatzaren 31ko 5/2005 Foru Arauaren 29.3 artikulua.
 - 5.º Ondasun higiezinaren eskuratzea bada, tasatzaile independente batek emandako ziurtagiria: tasatzaile hori behar bezala erregistratuta egon behar da dagokion erregistro ofizialean.
 - 6.º Aplikatu ez diren soberakinak eta horiei dagozkien interesen ordainagiria.

2. Auditoretza-txostena Ogasun eta Finantzen foru diputatuaren apirilaren 15eko 945/2011 Foru Aginduan ezarritakoaren arabera prestatu behar da; foru agindu horren bidez onetsi dira kontu auditoreek dirulaguntzen justifikazio-kontuak berrikusteko lanak egitean jarduteko bete behar dituzten arauak, Foru Sektore Publikoaren esparruan bertan.

Horri dagokionez, honela egin behar da memoria ekonomikoaren berrikuspena, aipaturiko foru aginduko 3. artikuluko 2.b) letran aipatzen dena.

Zuzeneko gainerako gastuen kasuan, gastuen zerrenda sailkatutik lagin bat hartu behar da prozedura estatistikoak aplikatuta; konfiantza-maila % 95ekoa izan behar da eta errorea $\pm$ % 5ekoa gehienez. Hainbat kontu adieraziko dira: erabilitako laginketa sistema, aztertutako laginak guztizkoaren aldean duen elementu kopurua eta zenbatekoa, eta aztertutako laginari dagokionez aurkitutako akats kopurua (era berean, elementu kopurua eta ukitutako gastuen zenbatekoa).

Dirulaguntzaren zenbatekoaren % 10 egotzi ahal izango zaio proiektuari, agiri bidez justifikatu gabe, zeharkako gastuengatik.

3. Gizarte Kohesioa sustatzeko Zuzendaritza Nagusiak baimena eman ahal izango du, dirulaguntza jaso duen erakundeak aurretiaz justifikazioa aurkeztuta, Dirulaguntzen araudiko 57. artikuluan ezartzen den moduan egin dadin dirulaguntzaren justifikazioa, hau da, justifikazio-kontua eta gastuen frogagiria erabiliz.

Kasu horretan, onuradunak, artikuluko 3. zenbakian aipatzen den dokumentazioaz gainera, honako hauek ere aurkeztu beharko ditu, jatorrizko fakturak edo haien kopia alderatuak, edo trafiko juridikoan frogatutako baliokidea duten gainerako agiriak eta ordainketa egiaztatze agiriak.



4. Justifikazio zaileko gastuak, eskabidean arrazoizko azalpena ematen bada, egingdako jarduera eta gastuen egiaztapen baten bidez justifikatu daitezke; betiere aurkeztutako proiektuen ezaugarrien arabera aldatuko den portzentaje zehatz bateko gastuak badira. Horretaz gain, egiaztapen horretan, egindako ekintza eta gastuak egiaztatzeko tresna nahikoak egon beharko dira.

5. Dirulaguntza jaso dezaketen proiektuak Nazio Batuetako nazioarteko erakundeetako batek kudeatutakoak direnean, gastua dute justifikatu beharko atal honetan ezarritako eran. Kasu horietan, nahikoa izango da nazioarteko erakundearen ziurtagiri bat aurkeztea: ziurtagiri horretan dirulaguntza aurrez ikusitako helbururako erabili dela egiaztatuko da, faktura bakarraren bidez.

6. Horrez gainera, ekainaren 25eko 794/2010 Errege Dekretuko edukia foru araudira egokitu arte (dekretu horren bidez, nazioarteko lankidetzara arloko dirulaguntzak eta laguntzak arautzen dira, programa, proiektu edo jarduera batean beste herri-administrazio batzuetako dirulaguntza edo laguntza batzuk batera ematen direnean), egiaztatu behar da aurrez ezarritako jardueretarako erabiltzen direla dirulaguntzak eta laguntzak; horretarako, nahikoa izango da programa, proiektua edo jarduera finantzatu duten herri-administrazioek emandako ziurtagirien bidez egitea egiaztapena.

7. Diruz lagundutako proiektuaren azken txosten auditatua bidaltzeko, gehienez ere 3 hilabeteko epea egongo da, proiektua amaitzen denetik hasita.

8. Amaierako txostenaz gainera, zeina metagarria izango baita, dirulaguntza jasotzen duen erakundeak proiektuaren garapena eta finantzen egoera deskribatzen duen txosten bat bidali beharko du proiektuaren iraunaldiaren erdia iragaten denean. Txosten horretan, ez da jaso beharko ordura arte eginiko gastuak justifikatzeko fakturarik.

9. Erakunde onuradunak dirulaguntza jaso duen programa edo jardueraren kontabilitate bereizia izan beharko du, bai kontabilitate ofizialaren barruan kontu berezien bidez, bai horretarako zabaldutako erregistro-liburuen bidez. Batzuk zein besteak justifikazio-kontuaren euskarri izango dira. Kontu edo erregistro horietan honako hauek jaso behar dira: gastuen egoera osatzen duten partida guztiak, banan-banan; fakturak eta gastua justifikatzeko gainerako agiriak, hartzekoduna eta dokumentua, jaulkipen-data eta ordainketa-data identifikatuta.

10. Era berean, dirulaguntza jaso duen programan edo jardueran erabili ahal diren baliabideak jasotzen dituen sarrera-partida bakoitzean sarrera justifikatzeko faktura eta agiri guztiak jaso beharko dira, zorduna, zenbatekoa eta data identifikatuta.

11. Dirulaguntza jasotzen duten erakundeek gorde egin beharko dituzte jasotako funtsen erabileraren frogagiriak, dokumentu elektronikoak barne, egiaztapen eta kontrol jardueretarako.

28. artikulua. — Ebazpena aldatzea

Diruz lagundutako erakundeak berariazko baimena eskatu behar dio Bizkaiko Foru Aldundiari, baldin eta ekintza egiterakoan aldaketa esanguratsuak egin nahi baditu hasieran aurrez ikusitakoan.

Aldakuntza esanguratsutzat jotzen da proiektuaren amaiera-data aldatzea, proiektua egiteko lekua aldatzea, helburu diren biztanleen aldaketa edo aurrekontuko partida bakoitzerako onartutakoa %10 baino gehiago aldatzea, salbu eta aldatzen den partidak 6.000 euro baino gutxiagoko aurrekontua badu, zeren, halakoetan, dirulaguntza jaso duen erakundea ez baita behartuta egongo ezein baimen eskatzeko aldaketa horretarako.

Proiektua egiteko epea amaitu baino gutxienez ere hilabete lehenago formalizatu behar dira proiektuan aldaketa esanguratsuak egiteko eskabideak.



III. KAPITULUA

GIZARTEA ERALDATZEKO SENTSIBILIZAZIO ETA/EDO GIZARTEA ERALDATZEKO HEZKUNTZA PROIEKTUETARAKO DIRULAGUNTZAK

29. artikulua.— *Helburua*

.Kapitulu honen xedea da 2024ko ekitaldian Bizkaiko Lurralde Historikoan gizartea eraldatzeko sentsibilizazio- eta/edo hezkuntza-proiektuak egiteko dirulaguntzak arautzea.

30. artikulua.— *Erakunde onuradunak*

Dirulaguntza eskuratu ahal izateko, erakunde eskatzaileak foru dekretu honen 2. artikuluan aurreikusitako baldintzak bete beharko ditu.

31. artikulua.— *Dirulaguntza jaso dezaketen jarduerak*

Dirulaguntza jaso dezaketen jarduerak ondorengo ekintzak izango dira:

- Kontzientzia kritikoa sortzeko sentsibilizazioa, Bizkaiko gizarteari zuzendutako ekintza guztiak bere barruan hartzen dituena, ezberdintasun ekonomiko, sozial, politiko, kultural eta generoaren arlokoen egiturazko arazoak agerian utziz, tokikoaren eta globalaren arteko loturaren bidez, eta jatorri eta sustrai geografiko ezberdinetako gizakien eta kulturen arteko tolerantzia, errespetua eta elkartasunaren baloreak sustatuz.
- Nazioarteko elkartasuneko eta gizartea eraldatzeko hezkuntzako gaien trebakuntza, hezkuntza formalaren, ez-formalaren eta informalaren arloetan.
- Hainbat arazoaren inguruko gogoeta teorikoa egiteko zein proposamen praktikoak prestatzeko balioa duten nazioarteko elkartasunaren eta gizartea eraldatzeko hezkuntzaren arloetako ikerketak.
- Eragin politikoa, halakotzat honako hau jotzen delarik: herrialde aberastutako zein txirotutako herritarrak mugiarazteko eta arduradun politiko, ekonomiko eta kulturei giza eskubideen eta giza garapen iraunkor eta ekitatiboaren aldeko defentsan presioa egiteko kanpaina eta ekimen multzo zabal bat.
- Tokian tokiko zein mundu osoko ezberdintasunen eta eraldatzeko bideen inguruko gogoeta eta jarduera bateratuak sustatzen dituzten zentzu zabaleko eragile sozialen sarearen (GGKE, mugimendu sozialak, erakunde publikoak...) sustapena.
- Gizartea eraldatzeko hezkuntza, hau da, jende kopuru objektibo zehatz bategan eta hiritarrengan kontzientziaz gain, ekintzarako joera sortzen duten hezkuntza prozesu eraldatzaileak eta denboran egonkorak.

32. artikulua.— *Proiektuen betekizunak*

- Aurkezturiko proiektuek honako baldintza hauek bete beharko dituzte:
 - Arraza, sexu, erlijio edo iritzien ondoriozko diskriminaziorik ez egotea.
 - Proiektuaren iraunaldi osoan genero ikuspegia sartzea.
 - Gutxienez %20 erakunde eskatzailearen, tokiko erakunde onuradunaren edo finantzaketa publiko nahiz pribatuko beste iturri batzuen baliabideen bitartez kofinantzatzea.

Kofinantziazio legezen bat ahal izango da boluntarioek eginiko lana, baldin eta ez bada kofinantziazioaren erdia baino gehiago. Bizkaiko esku-hartze sozialerako hitzarmenaren arabera baloratuko da lan hori, langile laguntzaileena legezen.
 - Proiektua burutzeko ikastetxe batek zuzenean parte hartzea behar bada, haren zuzendaritzaren gutuna aurkeztu behar da, ikastetxeak proiektuan parte hartu nahi duela adierazten duena.
 - Euskadiko Autonomia Erkidegoko hizkuntza ofizial biak erabiltzea.



- f) Ekintza berrien finantzaketari egokitzea. Ez dira inoiz ere lehendik egindako ekintzak finantzatzeko erabiliko. Halaber, ez dira finantzatuko 2024earen aurreko urteetan egindako gastuak.
 - g) Deialdiaren urte naturalean hastera, edo erakunde eskatzaileari dirulaguntza ordaindu eta hurrengo bi hilabeteetan zehar.
 - h) Proposatutako ekintzak gehienez bi urteko epean burutzeko moduan planifikatu behar dira.
2. Erakunde bakoitzak kapitulu honetarako proiektu bakarra aurkeztu ahal izango du.
3. Eskatzaileek adierazi behar dute egin nahi dituzten ekintzetarako beste laguntzarik eskatu edo jaso duten; hala bada, haien zerrenda aurkeztu behar dute, eta laguntza bakoitza zenbatekoa eta zertarako izan den zehaztu.

33. artikulua. — Dirulaguntza jaso dezaketen gastuak

1. Dirulaguntza jaso dezaketen gastuak kostu zuzenak izango dira, ondoren adierazitakoaren arabera:
- a) Proiektuaren funtzionamendurako behar diren langileak, adituak eta gainerako giza baliabideak kontratatzea; haien soldatak eta gizarte-gastuak sartuko dira.
 - b) Proiektuko jardueretarako batean parte hartzeko Bizkaira lekualdatu behar diren pertsonen bidaietarako, ostaturako eta mantenurako egin behar diren gastuak.
 - c) Zenbait euskarritako materiala argitaratzea edo lortzea (bibliografikoa, ikus-entzunezkoa, magnetikoa), baita beste material suntsigarria ere, baldin eta materialok beharrezkoak badira, aurreikusitako jarduerak egiteko.
 - d) Proiektuan jasotako ekintzen antolakuntzako logistikak eragindako gastuak.
 - e) Itzulpen gastuak.
 - f) Bizkaitik kanpoko joan-etorrietako gastuak ohiz kanpokoak izango dira, eta, edo nola ere, lotura argia izan beharko dute 31. artikuluan aipatutako jarduera motarekin. Argi azaldu beharko da nola lagunduko duen Bizkaiko gizartearen kontzientzia kritikoa eta solidarioa areagotzen.

Gastu zuzenean artean ezingo dira sartu ekipamenduak erostea, buletinak edo eskatzailearen ohiko jarduerak hedatzeko elementuak argitaratzea, eskatzailearen administrazio orokorrari lotutakoak eta eskatzailearen barneko topaketa, batzar edo mintegieta-
ra joateko eta egiteko gastuak.

2. Dirulaguntza jaso dezaketen gastuak zeharkako kostuak izango dira, ondoren adierazitakoaren arabera: Proiektuaren identifikazio, formulazio, jarraipen eta ebaluazioari lotutako administrazio eta kudeaketa gastuak. Gastu horiek ezin dira izan emaniko dirulaguntzaren zenbatekoaren % 10 baino handiagoak.

34. artikulua. — Aukeratzeko eta baloratzeko irizpideak

1. Gizarte Kohesioa sustatzeko Zuzendaritza Nagusiak onetsiko diren proiektuak aukeratzeko ditu, eta dirulaguntzak emateko jarraian adierazitako diren irizpideak eta balorazio-mugak hartuko ditu aintzat (100 puntu gehienez).
2. Kapitulu honetara aurkeztutako proiektuak lau irizpide multzoren arabera baloratuko dira:
- a) 1 taldea. Proiektuaren kalitatearekin loturiko irizpideak (20 puntu, gehienez).
 - 1.º Diagnostikoa (egoeraren analisi argia eta zehatza, parte hartzen duten biztanleen ezaugarriak, biztanleriaren parte hartzea): 5 puntu, gehienez.
 - 2.º Koherentzia (analisisa eta helburuaren arteko lotura eta ekimenen azalpena): 5 puntu, gehienez.
 - 3.º Baliabideak (banakatutako partidak, beharrezko baliabideak eta nahikoak direnak, proformako fakturak): 3 puntu, gehienez.
 - 4.º Jarraipena ((kategoria neurgarriak eta egiaztagarriak): 3 puntu, gehienez.
 - 5.º Sistematizazioa: 4 puntu, gehienez.



- b) 2 taldea. 2022-2030eko IV. Plan Zuzentzaileko irizpideen arabera edukia (29 puntu, gehienez).
- 1.º Tokiko ikuspegi globala (beste herrialde batzuen parte hartzea eta lankidetzak ekintzekin lotuta egotea): 12 puntu, gehienez.
 - 2.º Proiektuaren eredua (lurralde ikuspegia, Afikan oinarritutako gaiak, foru lankidetzak jarraitzea eta eragile ez-tradizionalen parte-hartzea): 17 puntu, gehienez.
- c) 3 taldea. 2022-2030eko IV. Plan Zuzentzaileko zeharkako lerroak (32 puntu, gehienez).
- 1.º Eskubideen ikuspegia (urratutako eskubideen eta eskubideen, betebeharren eta laguntza-erakundearen titularren azterketa; eskubide- eta betebeharrak eta jarduerak biek): 9 puntu, gehienez.
 - 2.º Genero-berdintasuna eta aniztasun sexuala (bidezko harremanak, erakunde feministak eta sexu-aniztasuna sustatzea): 14 puntu, gehienez.
 - 3.º Ikuspegi ekologikoa (ingurumenaren eta bizitzaren iraunkortasunerako jardueren azterketa): 9 puntu, gehienez.
- d) 4 taldea. Eragile eskatzailea (19 puntu, gehienez).
- 1.º Eragile eskatzailea (oinarri soziala, boluntarioria, sareak eta komunikazioa): 19 puntu, gehienez.
3. Proiektuak barematzeko, bakarrik hartuko da kontuan dirulaguntzarako eskubiak jasotako informazioa, bai eta erakunde eskatzaileak bere kabuz gehi ditzakeen honako eranskin hauek jasotzen duena:
- Aurrekontuaren azalpena.
 - Proforma fakturak.
 - Borondatezko langileen akreditazioa.
 - Lan-sareetako parte-hartze aktiboaren ziurtagiria.
 - Aurkeztuz gero, ordena horretan aurkeztu behar dira eranskinak, izen horiekin. Ez da kontuan hartuko paragrafo honetan aipaturikoez bestelako informazio-ituririk.

35. artikulua.— Dirulaguntzaren zenbatekoa

1. Kapitulu honetako dirulaguntzen zenbatekoa 6.000 euro izango da gutxienez eta 45.000 euro gehienez.
2. Proiektu hautatuek eskaturiko laguntzaren % 100 jasoko dute. Hala ere, behin proiektuak antolatuz (puntuaziorik handienetik txikienera), azken proiektu gehitu ahal izango da, ehuneko baino gutxiagoko laguntza bat emanez, baldin eta ez bada arriskuan jartzen jardueraren bideragarritasuna. Jardueraren bideragarritasuna arriskuan jartzen ari dela ulertuko da, baldin eta eskatutakoaren % 75 baino gutxiago eman daitekeenean.

36. artikulua.— Dirulaguntza jasotzen duten ekintzen jarraipena eta justifikazioa

1. Dirulaguntza jaso duten erakundeek proiektuaren kostu osoa justifikatu beharko dute Gizarte Kohesioa sustatzeko Zuzendaritza Nagusiaren aurrean, Dirulaguntzen Foru Erregelamenduaren (DFE) 57. artikuluan araututako modalitatearen arabera: justifikazio-kontua gastuen frogagirik.

Hori dela eta, aurkeztu beharko den justifikazioko dokumentazioak (egoitza elektronikoa eta prozedura-katalogoan dagoen ereduaren arabera), honako agiri hauek izan beharko ditu:

- a) Dirulaguntza ematerakoan ezarritako baldintzak bete direla justifikatzen duen jardura-txostena, egindako jarduerak eta lorturiko emaitzak adierazita.
- b) Eginiko jardueren kostua frogatzen duen memoria ekonomikoa bat, honako hauek izan beharko dituenak:



- 1.º Diruz lagundutako proiektuari egotzitako sarrera-gastuen egoera-orria.
 - 2.º Aurreko atalean aipatzen den gastuen egoera-orria osatzen duen partida bakoitzeko zerrenda bat egon behar da, sailkatuta. Zerrendan bertan, hartze-koduna eta agiria identifikatu behar dira, bai eta hari dagokion zenbatekoa, jaulkipen-data eta zenbateko hori zein egunetan ordaindu zen ere. Zerrenda sailkatua, onartutako sarreraren egoera-orria osatzen duten partida bakoitzeko.
 - 3.º Erakunde onuradunak eskatu beharreko hiru aurrekontuak, baldin eta diruz laguntzeko gastuaren zenbatekoak Sektore Publikoko Kontratuen Legeak kontratu txikietarako ezarritako zenbatekoa gainditzen badu, hala ezartzen baita Dirulaguntzei buruzko 2005eko maiatzaren 31ko 5/2005 Foru Arauaren 29.3 artikuluan.
 - 4.º Hala badagokio, itzulketaren ordainketa-gutuna, aplikatu gabeko soberakinik badago, bai eta haien ondoriozko interesena ere.
2. Dirulaguntzaren zenbatekoaren % 10 egotzi ahal izango zaio proiektuari, agiri bidez justifikatu gabe, zeharkako gastuengatik.
3. Era berean, diru-sarreraren egoera-orria osatzen duen partida bakoitzeko, diruz lagundutako jarduera finantzatu duten beste dirulaguntza, laguntza, sarrera edo baliabide batzuen zerrenda xehatua, bai eta eskatzen den finantzaketa propioarena ere, bakoitzaren zenbatekoa eta jatorria adierazita.
4. Laginketa-tekniken bidez egingo da atal honetan aipatzen den memoria ekonomikoaren berrikuspena, arrazoiz frogatzeko ea modu egokian aplikatu den dirulaguntza; horretarako, onuradunari, dagokion unean, eskatuko zaio aukeratutako gastu-frogagiriak edo inbertsio-frogagiriak bidal ditzala, bai eta ordainketa-frogagiriak ere.
5. Horrez gainera, ekainaren 25eko 794/2010 Errege Dekretuko edukia foru arau-dira egokitu arte (dekretu horren bidez, nazioarteko lankidetzara arloko dirulaguntzak eta laguntzak arautzen dira, programa, proiektu edo jarduera batean beste herri-administrazio batzuetako dirulaguntza edo laguntza batzuk batera ematen direnean), egiaztatu behar da aurrez ezarritako jardueretarako erabiltzen direla dirulaguntzak eta laguntzak; horretarako, nahikoa izango da programa, proiektua edo jarduera finantzatu duten herri-administrazioek emandako ziurtagirien bidez egitea egiaztapena.
6. Diruz lagundutako erakundeak ekintzaren garapenari buruzko azalpen-txosten bat eta finantza-txosten bat bidali beharko ditu, egoitza elektronikoan eta prozedura-katalogoan dagoen ereduaren arabera:
- a) Lehenengo txostena proiektuaren iraunaldiaren erdia igarotakoan.
 - b) Bigarren txostena, zeina metagarria izango baita, proiektua bukatu eta hiru hilabete igaro baino lehen.
- Txosten horietan, ez da beharrezkoa eginiko gastua justifikatzeko fakturarik jasotzea, fakturok eskatu artean.
7. Erakunde onuradunak dirulaguntza jaso duen programa edo jardueraren kontabilitate bereizia izan beharko du, bai kontabilitate ofizialaren barruan kontu berezien bidez, bai horretarako zabaldutako erregistro-liburuen bidez. Batzuk zein besteak justifikazio-kontuaren euskarri izango dira. Kontu edo erregistro horietan honako hauek jaso behar dira: gastuen egoera osatzen duten partida guztiak, banan-banan; fakturak eta gastua justifikatzeko gainerako agiriak, hartzekoduna eta dokumentua, jaulkipen-data eta ordainketa-data identifikatuta.
- Erregistro kontuetan edo liburuetan, dirulaguntza jaso duen programari edo jarduerari egotzi ahal zaizkion gastu eta sarrera guztiak jasoko dira.
8. Dirulaguntza jasotzen duten erakundeek gorde egin beharko dituzte jasotako funtsen erabileraren frogagiriak, dokumentu elektronikoak barne, egiaztapen eta kontrol jardueretarako.

**37. artikulua.—Ebazpena aldatzea**

Diruz lagundutako erakundeak berariazko baimena eskatu behar dio Bizkaiko Foru Aldundiari, baldin eta ekintza egiterakoan aldaketa esanguratsuak egin nahi baditu hasieran aurrez ikusitakoan.

Aldakuntza esanguratsutzat jotzen da proiektuaren amaiera-data aldatzea, proiektua egiteko lekua aldatzea, helburu diren biztanleen aldaketa edo aurrekontuko partida bakoitzerako onartutakoa %10 baino gehiago aldatzea, salbu eta aldatzen den partidak 6.000 euro baino gutxiagoko aurrekontua badu, zeren, halakoetan, dirulaguntza jaso duen erakundea ez baita behartuta egongo ezein baimen eskatzeko aldaketa horretarako.

Proiektua egiteko epea amaitu baino gutxienez ere hilabete lehenago formalizatu behar dira proiektuan aldaketa esanguratsuak egiteko eskabideak.

IV. KAPITULUA**HERRI TXIROTUETAN EDOTA BIZKAIAN EKINTZA
ZEHATZAK EGITEKO DIRULAGUNTZAK****38. artikulua.—Helburua**

Kapitulu honen helburua da lankidetzan ohikoak ez diren eragileak nazioarteko elkartasunera sartzeko erraztasunak eskaintzeko laguntzak arautzea.

39. artikulua.—Erakunde onuradunak

1. Dirulaguntza eskuratu ahal izateko, erakunde eskatzaileak dekretu honen 2. artikuluan aurreikusitako baldintzak bete beharko ditu, erregistro batean izena emateko antzinasunari buruzkoak izan ezik (Dekretu honen 2.1.a artikulua), bere jardueraren helburu nagusirako (Dekretu honen 2.1.b) artikulua) eta aurreko urteetan sentsibilizazio-jarduerak egitea (Dekretu honen 2.1.e) artikulua).

2. II. Kapitulura, III. Kapitulura edo VII. Kapitulura aurkezten diren erakundeak ezin izango dira aurkeztu kapitulu honetara.

40. artikulua.—Dirulaguntza jaso dezaketen jarduerak

1. Proiektu edo ekintza mota bi diruz lagunduko dira:

- a) Dirulaguntza jasoko dute ondasunak eta zerbitzuak erosteak edota garraiatzeak eta pertsonak lekualdatzeak, herri txirotuetan herritar ahulei zerbitzuak emateko erabiltzen badira. (IV-A proiektuak).
- b) Dirulaguntza jasoko dute Bizkaian burututako gizarte-eraldaketarako sentsibilizazio edota hezkuntzako ekintzak (IV-B proiektuak).

2. Ez dute dirulaguntzarik jasoko ezustekoak direla-eta proiektu jakinetan sortutako egoerei aurre egiteko gastuek.

3. Atzerriratutako langileen gastuak ezin izango dira aurrekontuan sartu. Edonola ere, atzerrirako joan-etorriak ohiz kanpokoak izango dira, eta haien beharra azaltzen duen memoria bat aurkeztu beharko da.

4. Zeharkako gastuek ezingo dute gaingitu emaniko dirulaguntzaren %10a.

41. artikulua.—Proiektuen betekizunak

1. Dirulaguntza jasotzeko, proiektuek honako betekizun hauek bete behar dituzte:

- a) Proiektua GLBaren laguntza-jasotzaileen zerrendako herri batean eginez gero, eskatzaileak tokiko kidea eduki behar du. Bertako kide hori nortasun juridikodun erakundea izan behar da, ez du izan behar irabazteko asmorik, eta behar bezala eratuta eta behar den erregistroan izena emanda egon behar da. Kide hori erakunde bakarra edo bi erakunde edo gehiagoren partzuergoa izan daiteke. Partzuergoa bada, bertako erakunde bakoitzak adierazitako betekizunak bete behar ditu.



- b) Adin, kultura nortasun, sexu-nortasun, ideologia edo erlijioaren ondoriozko diskriminaziorik ez egotea.
- c) Ekintza berrien finantzaketari egokitzea. Dirulaguntzak ez dira inoiz ere lehendik egindako ekintzak finantzatzeko erabiliko.
- d) Deialdiaren urte naturalean hastera, edo erakunde eskatzaileari dirulaguntza ordaindu eta hurrengo bi hilabeteetan zehar.
- e) Proposatutako ekintzak gehienez hamabi hileko epean burutu ahal izateko moduan planifikatu behar dira.
- f) 40.1.b artikuluan jasotako ekintzak egiteko proiektu bat burutzeko irakaskuntza-zentro baten partaidetza aktiboa behar bada, proiektuan inplikaturako zentroko edo zentroetako zuzendaritzaren eskutitz bat erantsi beharko da, proiektuan parte hartzeko interesa jakinaraziz.

2. Erakunde eskatzaile bakoitzak proiektu bakarra aurkeztu ahal izango du 40.1.a artikuluan aurreikusitako ekintzak egiteko, eta beste bat foru dekretu honen 40.1.b. artikuluan ezarritakoetarako.

3. Eskatzaileek adierazi behar dute egin nahi dituzten ekintzetarako beste laguntzarik eskatu edo jaso duten; hala bada, haien zerrenda aurkeztu behar dute, eta laguntza bakoitza zenbatekoa eta zertarako izan den zehaztu.

42. artikulua. — Aukeratzeko eta baloratzeko irizpideak

1. Herrialde txirotuetan burutzeko antolatzen diren unean uneko ekintzak (IV-A proiektuak) irizpide hauen arabera baloratuko dira (50 puntu, gehienez):

- a) 1 taldea. Proiektuaren kalitate teknikoarekin loturiko irizpideak (20 puntu, gehienez).
 - 1.º Diagnostikoa (proiektuaren planifikazioaren informazioa, helburu diren biztanleen ezaugarriak, justifikazioa): 6 puntu, gehienez.
 - 2.º Koherentzia (helburua eta justifikazioaren arteko lotura): 6 puntu, gehienez.
 - 3.º Baliabideak (banakaturako partidak eta proformako fakturak): 4 puntu, gehienez.
 - 4.º Iraunkortasuna (iraunkortasunerako aurrez ikusitako bitartekoak eta estrategia): 4 puntu, gehienez.
- b) 2 taldea. 2022-2030eko IV. Plan Zuzentzaileko lehentasunen arabera edukia (5 puntu, gehienez).
 - 1.º Lehenespene geografikoa (Afrikako kontinentea): 5 puntu, gehienez.
- c) 3 taldea. 2022-2030eko IV. Plan Zuzentzaileko zeharkako lerroak (17 puntu, gehienez).
 - 1.º Genero-berdintasuna eta aniztasun sexuala (biztanleriaren ezaugarria, emakumeen eskubideen defentsa, erakunde feministak eta sexu-aniztasuna sustatzea): 11 puntu, gehienez.
 - 2.º Ikuspegi ekologikoa (ingurumen egoeraren azterketa eta jarduerak egitea): 6 puntu, gehienez.
- d) 4 taldea. Eragile eskatzailea (8 puntu, gehienez).
 - 1.º Eragile eskatzailea (lurraldean finkatuta egotea, esperientzia, sareak eta aliantzak): 8 puntu, gehienez.

GLB zerrendako herrialde batean egitekoak diren proiektuak barematzeko, bakarrik hartuko da kontuan dirulaguntzarako eskabidean jasotako informazioa, bai eta erakunde eskatzaileak bere kabuz gehi ditzakeen honako eranskin hauetan jasotzen duena:

- Aurrekontuaren azalpena.
- Proformako fakturak.
- Jasangarritasunaren abala.
- Entitate publiko baten estrategia-agiria.



- Aurkeztuz gero, ordena horretan aurkeztu behar dira eranskinok, izen horixekin. Ez da kontuan hartuko paragrafo honetan aipaturikoez bestelako informazio-iturririk.
- 2. Bizkaian burutzeko antolatzen diren unean uneko ekintzak (IV-B proiektuak) irizpide hauen arabera baloratuko dira (50 puntu, gehienez):
 - a) 1 taldea. Proiektuaren kalitate teknikoarekin loturiko irizpideak (20 puntu, gehienez).
 - 1.º Diagnostikoa (egoeraren analisi argia eta zehatza, helburu diren biztanleen ezaugarriak, partaidetza): 6 puntu, gehienez.
 - 2.º Koherentzia (egoeraren analisisa eta helburuaren arteko lotura): 6 puntu, gehienez.
 - 3.º Baliabideak (banakatutako partidak, beharrezko baliabideak eta nahikoak direnak, proformako fakturak): 6 puntu, gehienez.
 - 4.º Metodologia: 2 puntu, gehienez.
 - b) 2 taldea. 2022-2030eko IV. Plan Zuzentzaileko lehentasunen arabera edukia (8 puntu, gehienez).
 - 1.º Lehenespen geografikoa (Afrikako kontinentea): 4 puntu, gehienez.
 - 2.º Tokiko ikuspegi globala: 4 puntu, gehienez.
 - c) 3 taldea. 2022-2030eko IV. Plan Zuzentzaileko zeharkako lerroak (17 puntu, gehienez).
 - 1.º Genero-berdintasuna eta aniztasun sexuala (biztanleriaren ezaugarria, emakumeen eskubideen defentsa, erakunde feministak eta sexu-aniztasuna sustatzea): 11 puntu, gehienez.
 - 2.º Ikuspegi ekologikoa (ingurumen egoeraren azterketa eta jarduerak egitea): 6 puntu, gehienez.
 - d) Eragile eskatzailea (5 puntu, gehienez).
- 3. Bizkaian egitekoak diren proiektuak barematzeko, bakarrik hartuko da kontuan dirulaguntzarako eskabidean jasotako informazioa, bai eta erakunde eskatzaileak bere kabuz gehi ditzakeen honako eranskin hauetan jasotzen duena:
 - Aurrekontuaren azalpena.
 - Proformako fakturak.
 - Aurkeztuz gero, ordena horretan aurkeztu behar dira eranskinok, izen horixekin. Ez da kontuan hartuko paragrafo honetan aipaturikoez bestelako informazio-iturririk.

43. artikulua. — Dirulaguntzaren zenbatekoa

- 1. Kapitulu honetako dirulaguntzen zenbatekoa gehienez 15.000 euro izango da edukia 40.1.a artikuluari esleitzen zaion proiektuetarako eta 12.000 euro 40.1.b artikulura aurkeztuetarako.
- 2. Proiektu hautatuek eskaturiko laguntzaren %100 jasoko dute. Hala ere, behin proiektuak antolatuz (puntuaziorik handienekotik txikienera), azken proiektua gehitu ahal izango da, ehuneko baino gutxiagoko laguntza bat emanez, baldin eta ez bada arriskuan jartzen jardueraren bideragarritasuna. Jardueraren bideragarritasuna arriskuan jartzen ari dela ulertuko da, baldin eta eskatutakoaren % 75 baino gutxiago eman daitekeenean.

44. artikulua. — Dirulaguntza jasotzen duten ekintzen jarraipena, aldaketa eta justifikazioa

- 36. eta 37. artikuluetan ezarritako xedapenak aplikatuko dira.



V. KAPITULUA

**LAGUNTZA TEKNIKOAK JATORRIAN KONTRATATZEA, HAREN HELBURUA
TOKIKO ERAKUNDE-KIDEEN ANTOLAMENDUA GENERO BERDINTASUNAREN
ALDE ALDATZEN LAGUNTZEA IZANIK****45. artikulua. — Helburua**

1. Kapitulu honen helburua, 2024ko ekitaldian, generoan espezializatutako laguntza teknikoak kontratatzeko dirulaguntzak arautzea da, haien helburua eskatzaileek lan egin ohi duten tokiko erakunde-kideen antolamenduan genero berdintasunaren aldeko aldaketa prozesuak erraztea denean.

2. Laguntza teknikoa jasoko duen erakundeak gutxienez bost langile izan beharko ditu.

46. artikulua. — Erakunde onuradunak

Dirulaguntza eskuratu ahal izateko, erakunde eskatzaileak 2. artikuluan aurreikusitako baldintzak bete beharko ditu, aurreko urteetan sentsibilizazio-jarduerak egiteari buruzko betekizuna izan ezik (Dekretu honen 2.1.e).

47. artikulua. — Dirulaguntza jaso dezaketen jarduerak

1. Dirulaguntza jaso ahalko dute eskatzaileek lan egin ohi duten tokiko erakunde-kideen antolamenduan genero berdintasunaren aldeko aldaketa prozesuak hasten eta garatzen erraztea helburu duten laguntza teknikoak.

2. Laguntza teknikoaren edukiak honako jarduketara bereizi hauek bati dagozkio:

- Antolamenduaren diagnostikoa genero ikuspegitik egitea.
- Diagnostiko horretatik abiatuta, antolamenduaren genero berdintasunaren aldeko aldaketa gauzatzeko plan estrategikoa prestatzea eta laguntza egikaritzea.

48. artikulua. — Eskabideen betekizunak

1. Aurkezturiko proiektuek honako baldintza hauek bete beharko dituzte:

- Tokiko GGKEaz eta Bizkaiko GGKEaz kanpoko nortasun juridikoa daukan erakunde batek edo pertsona fisiko batek (hark ere aipatu erakundeez kanpoko izan behar du, eta baimena eduki behar du bere kontura aritzeko —inguruabar hori agiri bidez egiaztatu behar du—) egin behar du.
- Laguntza teknikoaren aurrekontua aurkeztu behar da.
- Aurrez ikusitako jarduerak azaltzea eta kronograma batean antolatzea.
- Tokiko erakundearen izena, tokia, jarduera-sektorea eta ibilbide laburra.
- Tokiko erakundeak gutxienez bost langile dituela egiaztatzea.
- Laguntza teknikoak genero gaitako ikasketak egin behar izan ditu. Horretarako, informazio hau eskaini beharko da: ikasketa horien izena eta ikasketa horien ordu-kopurua.
- Laguntza teknikoak erakunde-aldaketako prozesuetako esperientzia eduki beharko du. Horretarako, garatutako prozesuen azalpen laburra egingo da.
- Laguntza teknikoak parte-hartzeko metodologia erabili behar du, eta azaldu beharko da zeintzuk diren haren teknikak.
- 2024eko abenduaren 31 baino lehen hastea.
- 2026eko martxoaren 31 baino lehen egitea eta justifikatzea.

2. Erakunde bakoitzak kapitulu honetarako proiektu bakar bat baino ezin izango du aurkeztu.

49. artikulua. — Dirulaguntza jaso dezaketen gastuak

1. Dirulaguntza jaso ahalko dute tokiko erakunde-kideen antolamendu aldaketa sustatzea helburu duten laguntza teknikoak zerbitzu profesionalek eta eskatzaileen



zeharkako kostuek eragindako gastuek (eskabidearen administrazio eta kudeaketa gastuak), emandako zenbatekoaren %10 arte, epean burutu badira, beharrezkoak badira eta proiektuaren izaerari eta garapen arruntari erantzuten badiete, baldin eta justifikatze-ko ezarritako epea bukatu baino lehenago ordaindu badira.

2. Ezarritako egiteko epea amaitu baino lehen ordaindutakoa joko da egindako gastutzat.

50. artikulua. — Dirulaguntzaren zenbatekoa

1. Dirulaguntza bakoitzaren gehieneko zenbatekoa 15.000 euro izango da. Dirulaguntza horiek bateragarriak izango dira jaso litekeen beste edozeinekin, baina ez da gainfinantzaketarik onartuko.

2. Eskatzaileak inprimakian zehaztu beharko du eskatutako dirulaguntza antolamenduari generoko diagnostikoa ala antolamendurako generoko plan estrategikoa prestatzeko den.

3. Oro har, aukeratzen diren onuradunei eskatutako dirulaguntzaren %100 emango zaie.

51. artikulua. — Aukeratzeko eta baloratzeko irizpideak

Gizarte Kohesioa sustatzeko Zuzendaritza Nagusiak onarturiko proiektuak hautatuko ditu, eta honako balioespen-irizpide eta -muga hauek hartuko ditu kontuan dirulaguntzak emateko:

Diagnostikoei dagokienez:

a) Plangintza teknikoa (gehienez 20 puntu):

- 1.º Argi eta zehatz definitzea aztertu beharreko antolakuntzaren alderdiak (zer aurrekari dituen entitateak ekitatearen aldeko ekintzetan, antolakuntza-kultura, erabakiak hartzen...): gehienez 8 puntu.
- 2.º Aurreikusitako jardueren eta definituriko antolakuntzako alderdien arteko koherentzia: gehienez 5 puntu.
- 3.º Baliabideen eta aurreikusitako jardueren arteko koherentzia: gehienez 5 puntu.
- 4.º Jardueren kronograma: gehienez 2 puntu.

b) Laguntza teknikoaren prestakuntza (gehienez 10 puntu).

c) Laguntza teknikoaren esperientzia (gehienez 10 puntu).

d) Partaidetza-metodologia (gehienez 10 puntu).

Plan estrategiko bat egiteko, nahitaezkoa izango da erakundeak generoaren arloko diagnostiko bat izatea:

a) Plangintza teknikoa (gehienez 20 puntu).

- 1.º Planaren oinarri gisa balio duen diagnostikoaren ondorio nagusien azalpena: gehienez 8 puntu.
- 2.º Aurreikusitako jardueren eta diagnostikoaren ondorioen arteko koherentzia: gehienez 5 puntu.
- 3.º Baliabideen eta aurreikusitako jardueren arteko koherentzia: gehienez 5 puntu.
- 4.º Jardueren kronograma: gehienez 2 puntu.

b) Laguntza teknikoaren prestakuntza (gehienez 10 puntu).

c) Laguntza teknikoaren esperientzia (gehienez 10 puntu).

d) Partaidetza-metodologia (gehienez 10 puntu).

**52. artikulua. — Dirulaguntza jasotzen duten ekintzen justifikazioa**

Dirulaguntza jaso duten erakundeek proiektuaren kostu osoa justifikatu beharko dute Gizarte Kohesioa kudeatzeko Zuzendaritza Nagusiaren aurrean, Dirulaguntzen Foru Erregelamenduaren 57. artikuluan araututako modalitatearen arabera.

Hain zuzen ere, laguntza teknikoak ematen duenaren faktura bakarra aurkeztuko dute (jatorrizkoa edo behar bezala egiaztatutako kopia bat). Zuzeneko gastuek ez dute behar-ko agiri bidezko justifikaziorik, baldin eta proiektuaren kostu osoaren % 10 gainditzen ez bada. Txosten bat ere aurkeztu beharko dute, non azalduko duten zenbateraino bete eta lortu diren eskabidean ezarritako helburu, emaitza eta jarduerak. Hori gorabehera, helburu horretarako eskatzen zaizkien agiri guztiak ere aurkeztu beharko dituzte erakunde onuradunek.

VI. KAPITULUA**EKINTZA HUMANITARIORAKO ETA LARRIALDIETARAKO LAGUNTZAK****53. artikulua. — Helburua**

Kapitulu honen helburua da laguntzak arautzea 2024 urtean ekintza humanitarioko proiektuetarako eta GLBren laguntza-jasotzaileen zerrendako herrialdeetan natur hondamendien edo gatazka armatuen ondorio diren beharrian larriei aurre egiteko.

54. artikulua. — Erakunde onuradunak

Dirulaguntza eskuratu ahal izateko, erakunde eskatzaileak 2. artikuluan aurreikusitako baldintzak bete beharko ditu, aurreko urteetan sentsibilizazio-jarduerak egiteari buruzko betekizuna izan ezik (Dekretu honen 2.1.e artikulua).

55. artikulua. — Dirulaguntza jaso dezaketen proiektuak

1. Natura-hondamendiek eta/edo gatazka armatuek eragindako egoerei erantzuteko ekintzak inplementatzeko bideratuko dira kontzeptu horren pean onarturiko dirulaguntzak. Bi eratakoak izan daitezke proiektuak:

- a) Larrialdietarako laguntza-proiektuak, hondamendi batek kaltetutako herriak oinarritzko ondasunez eta zerbitzuez hornitzeko (berotzeko materiala, aterpea, edateko ura, janaria, osasun-arreta), haien biziraupena bermatzeko eta sufrimendua arintzeko.
- b) Ekintza humanitarioko proiektuak, zentzurik zabalenean, hondamendien beste fase batzuei erantzuteko asmoz eginak eta garapen-prozesu jasangarri eta iraunkor baterako oinarriak ezartzea sustatzen dutenak. Mota honetan sartzen dira, besteak beste, hondamendien osteko birgaitze-ekintzak, giza eskubideen babesa eta luzaroko laguntza ematea iheslariei eta lekualdatuei.

2. Erakunde eskatzaile bakoitzak proiektu bakarra aurkeztu ahal izango du kapitulu honetan.

56. artikulua. — Proiektuek bete beharreko baldintzak

1. Proiektuek baldintza hauek bete behar dituzte:
 - a) Herrialde pobretuetako erakunde kide batekin egin behar dira proiektuak. Tokiko kide hori nortasun juridikoko erakunde bat izan behar da, irabazteko asmorik gabekoa, dagokion erregistroan erarrita eta izena emanda dagoena. Erakunde batek edo partzuergo batean elkartutako erakunde batzuek osatu ahal izango dute tokiko kidea. Partzuergo bateko erakundeen kasuan, erakunde guztiek bete beharko dituzte goiko baldintzak.
 - b) Ez dute bereizkeriarik eragin behar arraza, sexua, erlijioa edo iritzia dela eta.
 - c) Ekintza berriak finantzatzeko izan behar dute, hau da, jasotzen den dirulaguntza ezingo da inola ere erabili dagoeneko amaituta dauden ekintzak finantzatzeko. Era berean, ezin izango dira finantzatu 2024. urtea baino lehen egindako gastuak.



- d) Deialdiaren urte naturalean hastea, edo erakunde eskatzaileari dirulaguntza ordaindu eta hurrengo bi hilabeteetan zehar.
 - e) Proposatzen diren ekintzak gehienez ere hamabi hilabeteke epearen barruan egiteko planifikatu behar dira.
 - f) Proiektuaren baremazioan, irizpideen 1. taldean (proiektuaren kalitatearekin loturiko irizpideak) eman daitezkeen puntu erdiak lortu behar dituzte gutxienez, eta nahikotasunez zehaztu eta banakatutako aurrekontu bat aurkeztu behar dute.
2. Erakunde eskatzaileek zehaztu behar dute deialdira aurkeztzen diren ekintzek beste erakunde batzuen laguntzak ere jaso dituzten edo halako laguntzarik eskatu den. Hala bada, jaso dituzten laguntzen zerrenda aurkeztu behar dute, eta haien zenbatekoa eta helburua zehaztu.

57. artikulua. — Dirulaguntza jaso dezaketen gastuak

1. Hauek dira dirulaguntza jaso dezaketen gastuak: proiektu edo jardueraren izaerari eta garapen normalari erantzun dioten eta epearen barruan egindako beharrezko gastuak, betiere indarreko arautegiaren arabera behar bezala justifikatu badira.
2. Dirulaguntza jaso dezaketen gastuak izango dira zuzeneko kostuak, kostu hauek alegia:
 - a) Tokiko langileen kostuak.
 - b) Erbesteratutako langileen kostuak, muga hauekin: emaniko dirulaguntzaren %10 eta gehienez ere 3.000 € gordin hilean. Proiektuaren ezaugarri bereziak direla-eta ehuneko hori handitu behar bada, azalpen-memoria labur bat egin behar da areagotze horren beharra justifikatzeko.
 - c) Proiektuari lotutako prestakuntza-gastuak.
 - d) Funtzionamendu-gastuak, hau da, proiektua beste herrialdean egin ahal izateko beharrezkoak diren material suntsikorrak eta beste hornidura batzuk (edateko uren araztegiak, kanpin-dendak eta abar) erostearen ondoriozkoak.
 - e) Inbertsio-gastuak bakarrik bideratu ahal izango dira larrialdia eragin zuen hondamendiak zuzenean ukitutako azpiegiturak lehenratzera.
3. Zeharkako kostuak ere dirulaguntza jaso dezaketen gastuak izango dira, hau da, GGKE eskatzailearen egoitzako administrazio, kudeaketa eta langileria gastuak, proiektuaren identifikazio, formulazio, jarraipen, ebaluazio eta auditoriari dagokienez. Gastu horiek ezin dira izan emaniko dirulaguntzaren zenbatekoaren %10etik gorakoak.

58. artikulua. — Dirulaguntzaren zenbatekoa

1. Dirulaguntza hauek bateragarri dira jaso daitekeen beste edozein dirulaguntzarekin, baina gainfinantzaketa ez da onartuko.
2. Aukeratutako eskabideei emandako dirulaguntzak, oro har, eskatutako dirulaguntzaren %100ekoak izango dira.
3. Hala ematen diren dirulaguntzak ez dira izango 80.000 euro baino gehiagokoak.

59. artikulua. — Eskabideak aukeratzeko eta baloratzeko irizpideak

1. Gizarte Kohesioa sustatzeko Zuzendaritza Nagusiak hautatuko ditu zein proiektu onartuko diren, dirulaguntzak emateko honako irizpide eta balorazio-muga hauek kontuan hartuta (gehienez 50 puntu):
 - a) 1 taldea. Proiektuaren kalitate teknikoarekin loturiko irizpideak (23 puntu, gehienez).
 - 1.º Diagnostikoa (testuinguruaren analisi argia eta zehatza, lotutako/eraginpeko biztanleen ezaugarriak, partaidetzarako mekanismoak): 7 puntu, gehienez.
 - 2.º Koherentzia (egoeraren, helburuaren, emaitzen eta jardueren arteko lotura, adierazleak, plan edo estrategiekin duen lotura: 13 puntu, gehienez.
 - 3.º Baliabideak (banakatutako partidak eta proformako fakturak): 3 puntu, gehienez.



- b) 2 taldea. 2022-2030eko IV. Plan Zuzentzaileko zeharkako lerroak (15 puntu, gehienez).
- 1.º Genero ikuspegia (emakumeen eta gizonen egoeraren eta mailaren azterketa; eta emakumeen eta gizonen arteko bidezko harremanak): 9 puntu, gehienez.
 - 2.º Ikuspegi ekologikoa (ingurumen mehatxuen analisia eta larrialdi egoerekin eta laguntza humanitarioarekin duen lotura): 6 puntu, gehienez.
- c) 3 taldea. Eragile-partehartzaileak (12 puntu, gehienez).
- 1.º Eragile eskatzailea (gizarte oinarria, gaitasuna eta kaudimena, erakunde eskatzailearen eta toki-erakundearen arteko harremana, sareak eta aliantzak): 7 puntu, gehienez.
 - 2.º Toki eragilea (lurraldean errotuta egotea, esperientzia, sareak eta aliantzak): 5 puntu gehienez.
2. Proiektuak barematzeko, bakarrik hartuko da kontuan dirulaguntzarako eskabidean jasotako informazioa, bai eta erakunde eskatzaileak bere kabuz gehi ditzakeen honako eranskin hauetan jasotzen duena:
- Entitate publiko baten estrategia-agiria.
 - Aurrekontuaren azalpena.
 - Proformako fakturak.
 - Jasangarritasunaren abala.
 - Lan-sareetako parte-hartze aktiboaren ziurtagiria.
 - Aurkeztuz gero, ordena horretan aurkeztu behar dira eranskinok, izen horixekin. Ez da kontuan hartuko paragrafo honetan aipaturikoez bestelako informazio-ituririk.

60. artikulua.—*Dirulaguntza jasotzen duten ekintzen jarraipena, aldaketa eta justifikazioa*

36. eta 37. artikuluetan ezarritako xedapenak aplikatuko dira.

VII. KAPITULUA

URTE ANITZEKO PROIEKTUETARAKO DIRULAGUNTZAK

61. artikulua.—*Xedea*

Kapitulu honen helburua zera da: 2024tik 2026ra bitarteko ekitaldietan urte anitzeko proiektuak egiteko dirulaguntzak arautzea.

Proiektu guztiek ikuspegi bikoitza izango dute, eta, beraz, garapenerako lankidetzari nahiz gizarte eraldaketarako hezkuntzari lotutako jarduerak barne hartu beharko dituzte.

Funts bakoitzerako portzentajea, gutxienez, honako hau izango da:

- a) Giza aldaketarako hezkuntza: proiektuak jasotako dirulaguntza osoaren %10 garatu beharko du gutxienez, eta %25 gehienez.
- b) Garapenerako lankidetzak: proiektuak jasotako dirulaguntzaren %75 garatu beharko du gutxienez, eta %90 gehienez.

62. artikulua.—*Aplikatu beharreko araudia*

Kapitulu honetan agertzen diren urte anitzeko dirulaguntzak arautzeko, foru-dekretu honen II. Kapituluko artikuluetan ezarritakoari jarraituko zaio (zer dagokion), salbuespen eta baldintza osagarri hauekin:

- a) Eraturik egotea eta dagokion Euskadiko Autonomi Erkidegoko erregistroan izena emanda egotea, gutxienez deialdi hau Bizkaiko Aldizkari Ofizialean argitaratu baino lau urte lehenagotik.



- b) Gutxienez hamar proiektu eginak izatea dirulaguntzetatik ordainduak, dagokion arloaren arabera: garapenerako lankidetzarako proiektuak nahiz gizartea eraldatzeko sentsibilizazio- eta/edo hezkuntza-proiektuak.
- c) Gutxienez 4 urteko esperientzia izatea proiektuaren xede den herrialdean, hala dagokionean.
- d) Tokian tokiko bazkideak 4 urteko esperientzia izatea, gutxienez, garapenerako proiektuen arloan, proiektua hartuko duen herrialdeko biztanleekin eta/edo parte hartzen duten erakundeekin.
- f) Proposatutako jarduerak hiru urteko epean egin beharko dira.
- g) Proiektua burutzeko ikastetxe batek zuzenean parte hartzea behar bada, haren zuzendaritzaren gutuna aurkeztu behar da, ikastetxeak proiektuan parte hartu nahi duela adierazten duena.
- h) Euskadiko Autonomia Erkidegoko hizkuntza ofizial biak erabiltzea.

63. artikulua. — Dirulaguntzaren zenbatekoa

1. Kapitulu honetako proiektuek 300.000 euro jaso ahal izango dituzte gutxienez, eta 600.000 euro gehienez, hiru aurrekontu-ekitalditan. Ekitaldi bakoitzeko gutxieneko zenbatekoa 100.000 eurokoa izango da, eta gehienez 200.000 eurokoa.
2. Aukeratutako proiektuei eskatutakoaren %100 emango zaie dirulaguntza gisa. Hala ere, proiektuak puntuaziorik handienetik txikienera ordenatu ondoren, azken proiektu bat sartu ahal izango da eta portzentaje horretatik beherako laguntza eman ahal izango zaio, betiere jarduketaren bideragarritasuna arriskuan jartzen ez bada. Jardueraren bideragarritasuna arriskuan dagoela ulertuko da eskatutako kopuruaren %75etik beherako zenbatekoa baino ezin denean eman.
3. Urteko ekarpenak ordaintzeko, aurretik egindako ordainketetatik metatutako kopuruaren kargura egindako gastuaren %60 justifikatu beharko da gutxienez, ekitaldi bakoitzeko azaroaren 30a baino lehen.

64. artikulua. — Eskabideak aukeratzeko eta baloratzeko irizpideak

1. Gisarte Kohesioa sustatzeko Zuzendaritza Nagusiak erabakiko du zein proiektu onartuko diren, eta dirulaguntzak emateko kontuan hartuko ditu balorazio-irizpide eta -muga hauek (gehienez 100 puntu):
 - a) 1. taldea. Proiektuaren kalitate teknikoarekin lotutako irizpideak (gehienez 22 puntu).
 - 1.º Diagnostikoa (aurrekariak, testuinguru politiko, ekonomiko eta sozialaren ezaugarriak, aztertu beharreko arazoaren justifikazio argia eta zehatza: gehienez 8 puntu.
 - 2.º Koherentzia: (helburuaren eta justifikazioaren arteko erlazioa, eta jardueren azalpena): gehienez 3 puntu.
 - 3.º Baliabideak (partiden banakapena eta proformako fakturen ekarpena, langileen eta ondasun eta zerbitzuen gastuei dagokienez): 3 puntu gehienez.
 - 4.º Jarraipena (helburuaren eta emaitzen lorpen-maila neurtzeko eta/edo egiaztatzeko adierazleak): gehienez 4 puntu.
 - 5.º Jasangarritasuna (jasangarritasunerako bitartekoak, tokiko erakunde publiko baten bermea edo konpromisoa, baita estrategia batekiko lotura ere): gehienez 4 puntu.
 - b) 2. taldea. 2022-2030 aldirako IV. Plan Zuzentzailean jasotako lehentasunen araberako edukia (gehienez 17 puntu).
 - 1.º Lehentasun geografikoa: gehienez 7 puntu.
 - 2.º Proiektu-eredua (tradizionalak ez diren eragileen parte-hartzea eta Bizkaiko lankidetzaren jarraipena): 10 puntu gehienez.



- c) 3. taldea. 2022-2030 aldirako IV. Gida Planean jasotako zeharkakoak (gehienez 29 puntu).
 - 1.º Eskubideen ikuspegia (eskubideetan oinarritutako ikuspegia): gehienez 8 puntu.
 - 2.º Genero-berdintasuna eta sexu-aniztasuna (harreman ekitatiboak sustatzea, erakunde feministekin lankidetzan aritzea, sexu-aniztasunean sentsibilizatzea): gehienez 13 puntu.
 - 3.º Ikuspegi ekologikoa (testuinguruaren ingurumen-egoeraren azterketa, emaitzetan islatutako mehatxuei aurre egiteko ekintzak): gehienez 8 puntu.
- d) 4. taldea. Eragile parte-hartzaileak (gehienez 20 puntu).
 - 1.º Agente eskatzailea (oinarri soziala, boluntarioak, gaitasuna eta kaudimena, agente eskatzailearen eta tokiko agentearen arteko harremana, sareetan parte hartzea): 9 puntu gehienez.
 - 2.º Tokiko eragilea (lurralde-sustraitzea, esperientzia, sareak eta aliantzak): gehienez 11 puntu.
- e) 5. taldea. Esku-hartzearen balio erantsia (gehienez 12 puntu).
 - 1.º Balio erantsia, urte anitzeko kartikotasuna kontuan hartuta: gehienez 6 puntu.
 - 2.º Balio erantsia, garapenerako lankidetzako esku-hartzearen eta EPTS esku-hartzearen arteko erlazioa kontuan hartuta: 6 puntu gehienez.

65. artikulua. — *Jasotako dirulaguntzaren justifikazioa*

1. Kapitulu honen kontura diruz lagundutako erakundeek, proiektu osoa amaitzean, Gizarte Kohesioko Zuzendaritza Nagusiaren aurrean justifikatu beharko dute jasotako dirulaguntza, Bizkaiko Foru Aldundiaren martxoaren 23ko 34/2010 Foru Dekretuaren bidez onartutako Dirulaguntzei buruzko Foru Erregelamenduaren 59. artikuluan araututako modalitatearen bidez: kontu-ikuskariaren txostena dakarren justifikazio-kontua, foru dekretu honen 26. artikuluan ezarritakoaren arabera.

2. Ikuskatutako azken txostenaz gain (txosten metagarria izango da), diruz lagundutako erakundeak urteko ekarpenak ordaintzeko bidali beharko du (Foru dekretu honen 63.4 artikulua) proiektuaren garapenari buruzko txosten bat, deskribatzailea eta finantzarioa.

Txosten horretan ez dago zertan jaso fakturarik, baina bai haien zerrenda bat.

3. Artikulu honen aurreko zenbakietan aipatzen diren txostenak aztertzeko, jarraipen-batzorde mistoak egingo dira, Gizarte Kohesioa sustatzeko Zuzendaritza Nagusiko teknikariek eta laguntza jasotzen duen GGKEko kideez osatuak.

66. artikulua. — *Geroko beste deialdi batzuetan aurkezteko debekua*

Kapitulu honetako dirulaguntzen erakunde onuradunek ezin izango dute II., III. eta VII. lerroetako dirulaguntzen deialdietan parte hartu diruz lagundutako proiektua gauzatzeko amaitu arte.